

Kico legalisacion di indocumentadonan lo cambia pa enseñansa y SVb na Aruba?



Pagina 4

- **Prome audiencia den caso Caret lo tuma luga mañan**

Pagina 3

- **Aruba ta yuda Jamaica despues di horcan devastador**

Pagina 6

- **Hulanda: Combersacionan di coalicion a cuminsa**

Pagina 9

Pagina 2



Atakenan arma di Merca contra supuesto botonan di droga ta den violacion di ley

Cuba: Casi 8.000 persona evacua na Río Cauto despues di pasada di horcan Melissa



Pagina 11

Putin ta manda oficialnan entrega plannan pa posiblemente resumi test nuclear



Pagina 18



PARADE OF PRIZES

Feel the Rhythm. Live the Culture. Win the Prizes.

WIN EVERY
THURSDAY
LIVE CARNIVAL
MUSIC

\$500 IN CASH PRIZES

- FREE TICKETS FOR PRE-FINALS AND FINAL CAISO SOCA & MONARCH 2026
- FREE TICKETS FOR ARUBA'S TUMBA CONTEST 2026

THE CASINO AT
ST REGIS
ARUBA

Hefe di derechonan humano di Nacionnan Uni Volker Türk:

Atakenan arma di Merca contra supuesto botonan di droga ta den violacion di ley

Segun medio di noticia internacional BBC, e hefe di derechonan humano di Nacionnan Uni a condena e accion militar Mericano cu a tuma luga contra barconan acusa di carga droga den Caribe, bisando cu e atakenan letal aki ta den violacion di leynan internacional y ta constitui "asesinato extrahudicial."

Volker Türk ta e Alto Comisario actual di Nacionnan Uni encarga cu Derechonan Humano. El a tuma e cargo aki dia 17 di october den 2022 y a dedica na avansa derechonan humano na nivel universal, notablemente e proteccion internacional di e individuonan cu ta mas vulnerable. Türk tin un doctorado tambe den ley internacional for di University of Vienna y un master den ley for di University of Linz na Austria. Ademá di esaki e tin varios publicacion tocante ley internacional di refugiadonan y leynan internacional di derechonan humano. Esaki ta haci cu ademá di su conocimiento y trabao pa cu derechonan humano, e tin tambe un conocimiento amplio y experticio den leynan internacional.

Mr. Türk a bisa diabierna cu mas di 60 persona a perde nan bida den accion arma di Merca desde comienzo di september. Yamando e accion aki "inacceptable," el a haci un yamado na Washington pa para esaki inmediatamente y haci investigacionnan cu ta rapido, independiente y transparente.

Presidente Donald Trump a bisa un tempo atras cu e accion arma aki ta necesario pa combati e fluho di droga cu ta drentando Merca, y tin e autoridad legal pa sigui cu e bombardeo di botonan den awanan internacional.

Secretario di Defensa Pete Hegseth a bisa cu e atakenan ta ehecuta contra barconan opera pa gruponan cu ta trafica droga designa como organizacionnan terrorista pa Merca, bisando e siman aki cu "e hemisferio occidental no ta un punto sigur mas pa narco-

terroristanan cu ta traficando droga na nos costa pa envenena nos Mericanonan."

Türk, mientras el a reconoce e desafionan di combati trafico di droga, a bisa den un declaracion cu e circunstancianan pa e atakenan mortal "no tin hustificacion den ley internacional."

"Accion contra e problema serio di trafico ilicito di droga den fronteranan internacional ta - manera for di basta tempo a acorda entre estadonan - un topico di autoridadnan, goberna pa e limitenan cauteloso di forsa letal detaya den ley internacional di derechonan humano."

Segun el a splica, e uso di forsa letal bao ley ta permiti solamente como un ultimo recurso contra individuonan cu ta "posee un menasa inminente na bida." El a agrega cu basa riba "informacion sumamente escaso cu autoridadnan Mericano a provee publicamente, ningun di e personanan abordo di e botonan en cuestion tabata aparenta di posee un menasa inminente na e bida di otronan."

Centre for International Defence Policy, cual ta un di Canada su centro di investigacion mas activo tocante seguridad internacional, a skirbi un rapport publica riba Medium su Contact Report, unda el a detaya e cuadro legal stipula den The Commander's Handbook on the Law of Land Warfare, unda ta splica cu na momento cu ehercito of organizacionnan di autoridad ehecuta operacionnan, nan accion mester ta conforme ley y segun direccionnan di e departamento di defensa, e forsanan militar Mericano ta rekeri di conduci nan operacionnan den cumplimiento estricto cu leynan domestico pero tambe e leynan internacional na tur momento.

Nacionnan Uni tin United Nations Convention on the Law of the Sea (UNCLOS), y un di su principianan fundamental ta cu boto of barconan

den awa internacional tin e libertad di nabegacion y ningun estado por validamente somete ningun parti di lama na su soberania. Leynan internacional y domestico ta prohibi e acto arbitrario di kita un hende su bida. E normanan tocante derecho di bida ta aplica na tur accion di e estado, incluyendo operacionnan militar.

Claramente, tin excepcionnan y momentonan unda esaki ta bira necesario, sinembargo pa esaki tambe tin leynan y reglanan. Por ehempel, un hustificacion pa e uso di forsa por ser haya bao artikkel 51 di UN Charter, cual ta detaya e derecho di estadonan pa defende nan mes for di un atake arma. Mientras cu trafico di droga ta un atake contra sociedad, no tin un base pa e tipo di actividadnan aki keda eleva na e nivel di "atake arma" y hasta den e caso cu esaki por ser considera un atake, tin un regla specifico unda defensa propio ta permiti solamente medidanan cu ta proporcional na e atake arma y necesario pa responde na esaki, un regla cu ta bon estableci den leynan internacional. Manera a menciona anteriormente, aunke tin poco informacion publico tocante e accionnan arma cu Merca a tuma recientemente, no tin indicacion ni ta aparenta cu e personanan abordo tabata posee un menasa ni tampoco a ehecuta un atake arma cu lo por constitui un excepcion.

Un di e principianan principal di LOAC, cual ta e ley di conflicto arma, ta cu forsananan militar por usa forsa letal contra e oposicion pa logra nan mision; no tin un rekisito pa defensa propio ni tampoco otro hustificacion pa usa forsa contra un enemigo. E caracterisacion actual di e administracion di Merca contra e blanco ta di "terrorista" y ta pinta Tren de Aragua como un "organizacion narco-terrorista", esaki ta sugeri un intento di aplica e cuadro di LOAC pa por hustifica su accionnan. Sinembargo, pa LOAC por aplica, mester tin un conflicto arma entre e estadonan (conflicto arma internacional) of entre e estado y gruponan organiza arma (conflicto arma no internacional). E rekisitonan pa considera un situacion un conflicto arma no internacional ta rekeri hostilidadnan continuo y organisa entre e forsanan gubernamental y gruponan arma organisa cu suficiente intensidad y organizacion.

Türk a haci yamado na Merca pa usa metodonan di autoridad incluyendo intercepta boto y detencion di e sospechosonan, y den caso cu ta necesario, trece acusacion formal contra e individualnan. Mayoria atake a tuma luga den awanan internacional manera costa di Sur America y Caribe, aunke atakenan den Pacifico e siman aki a laga por lo menos 18 persona morto segun declaracionnan di Hegseth.



Den Caribe, Merca a desplega tropa, aeronavenan, barconan y te hasta a ordena e barco di guerra mas grandi na mundo - USS Gerald R Ford - bay e area.

E atakenan aki a genera condena y critica den e region y expertonan a cuestiona con legal esaki ta. Miembronan di Congreso tanto Demócrata como Republicano tambe a trece dilanti preocupacion y a cuestiona e presidente su autoridad pa ordena esaki.

Segun BBC, e Procurador General di Venezuela a bisa nan cu "no tin duda" cu Trump ta purando di tuma e gobierno Venezolano. El a acusa Merca tambe di tin speranza di tuma control di e pais su recursonan natural, incluyendo reservanan di oro, petroleo y koper.

Merca ta entre e varios nacion cu no ta reconoce Maduro como Venezuela su lider legitimo, mirando cu e ultimo eleccion di 2024 a keda ampliamente descarta como uno cu no tabata husto ni tampoco liber. Conteo di oposicion for di urnanan a demostra cu su candidato a gana e eleccion cu un diferencia grandi.

E declaracionnan di Türk ta haci echo di pensamentonan y preocupacionnan cu tin desde cu e accion militar a cuminsa, ta circula na casi tur nivel y te hasta riba rednan social. Hopi a pone den duda e legalidad di e atakenan aki mirando cu nan ta tuma luga den awa internacional, cu ta cay bao hurisdiccion di otro paisnan. Tambe tumando na cuenta e hecho cu tin pasonan stipula cu mester tuma den caso di sospecha di presencia di narcotraficacion, e validez y legalidad di e atakenan aki ta cuestiona hopi mas ainda.

Esaki ta keda un topico den desaroyo di interes regional, cual su posible impacto y efectonan ta bao monitoreo constante.



Prome audiencia den caso Caret lo tuma luga mañan

Mañan 7 di november Corte di Prome Instancia lo trata e prome audiencia di e caso cu ta carga e nomber ‘Caret’ den cual dos agente policial ta sospechoso di complicidad di homicidio pa e morto di Lanoy. E tiroteo fatal di polis riba Ayden Lanoy di 19 aña mainta trempa dia 9 di februari 2025 na Madiki, a manda un ola di shock den comunidad y lanta protesta, debate politico, y un investigacion criminal.

Dia 9 di februari Lanoy a ser para pa polis despues cu oficialnan a nota un defecto cu un luz patras. Ora el a huy, un persecucion na velocidad halto a sigui. E persecucion a termina ora cu Lanoy a bira un caminda sin salida na altura di un parke na Madiki Kavel. Algun rato despues, oficialnan di polis a los un serie di tiro riba su vehiculo, cu e resultado cu un di e tiro nan aki a alcanza Lanoy y el a fayece na e sitio. Testigonan den e area a describi consistentemente un rafaga extremo di tiroteo—hopi mas cu un dozijn di bala den solamente algun seconde—aunke e cantidad

precies na e momento ey no tabata sigur.

E noticia di e morto di e hoben a sacudi comunidad completo. Famia y amistadnan di e victima a organisa un protesta pasivo cu a termina cu e grupo di ciudadanonan reuni pafo di Parlamento di Aruba pa exige contesta y responsabilidad y pidiendo Parlamento pa sostene reforman manera e adopcion di bodycams y dashcams pa KPA.

Organisadonan di e protesta a entrega un manifiesto formal riba e medidanan ey na e Presidente di Parlamento e tempo ey, actual minister, Gerlien Croes, subrayando con e incidente lamentable aki a subraya preocupacionnan di hopi tempo tocante uso di forza y transparencia publico.


Manifestacionnan no tabata limita na Aruba so. E caso a resona fuertemente bou di e diaspora na Hulanda entre familiar, amigo y sostenedor nan, y a tene vigilia den memoria di e hoben Rubiano, conectando nan yamadonan pa husticia cu combersacionnan mas amplio tocante polis den henter Caribe Hu-

landes y Reino.

Na april Ministerio Publico (OM) a informa cu lo persigui e dos agentenan policial involvi den e morto di e hoben Lanoy. Despues OM a confirma e acusacion formal, tumando nota di e nomber di codigo di e caso—“Caret”—y especificando e ofensa como “complicidad di homicidio imboluntario” (“medeplegen van doodslag”). E audiencia di mañan 7 di november 2025 lo marca e inicio di e fase di corte.

Segun cu e proceso legal a sigui, OM a confirma mey augustus cu e interrogacion di e dos agente policial involvi den e tiroteo y investigacion di e caso “Caret” a yega su fase final. Segun OM a informa, e dos agentenan policial involvi a bolbe ser scucha como sospechoso y despues di e interrogacionnan aki, e ultimo actividadnan di investigacion lo tuma lugar y asina e investigacion lo yega su fin.

Durante e prome audiencia di caso Caret—e asina yama “reggiezitting”—hues lo tuma decision tocante e pregunta si tin necesidad pa haci investigacion adicional. E caso no lo ser trata den su



contenido riba e dia aki. Ademas hues lo pone un kalender pa audiencianan cu por lo por extende te otro aña.

Pa aworaki, un comunidad ta sigui yora pa un hoben cu su bida a toca famianan y cu, segun hopi cuenta, tabata traha duro y mira pa dilanti como un tata nobo. E caso aki no ta djis un dossier di investigacion mas; el a bira un catalisador pa scrutinio civico y un prueba di e institucionan di e isla. Segun cu Aruba ta en espera pa e inicio di e proceso den corte, familiarnan y e isla completo ta spera cu finalmente por haya contesta riba e pregunta tocante kico a conduci na e suceso lamentabel aki cu a cobra bida di e tata hoben.

Implementacion di Bodycams KPA

Fin di juni a bira conoci cu finalmente Cuerpo Policial di Aruba (KPA) lo implementa e proyecto piloto di bodycams. Mediante un comuni-

cado KPA a informa cu nan a “scucha e comunidad” y cu hunto cu avancenan tecnologico e organisacion tabata den pleno desaroyo pa ehecuta proyectonan nobo cu ta encera cambionan grandi tanto pa Cuerpo Policial Aruba y comunidad.

KPA a ratifica cu e proyecto aki ta uno piloto den cual polis uniforma lo cuminsa usa e bodycams y por usa e bodycams na cualkier momento den nan ehecucion di nan trabou. E agentenan policial a haya tambe presentacion di e procedura con pa atende cu e bodycams.

Pa loke ta e maneho di imagnan di bodycams KPA, a enfatisa cu tin regla y procedura na luga conhuntamente cu Ministerio Publico. No por divulga of mira imagen sin cu tin autorisacion pa esaki y esaki ta conta tambe pa Cuerpo Policial di Aruba pa asina brinda e transparencia y seguridad.



Prome Minister Schoof lo bishita Corsou y Aruba; lo asisti tambe na COP30 y cumbre di CELAC-EU

Dianan 7 y 8 di november e prome minister lo haci bishita brevemente na Corsou y Aruba. E motibo y detayenan precies di e bishita di e mandatario Hulandes na e islanan no a ser revela.

Siguiendo esaki e prome minister lo biaha pa Santa Marta, Colombia, dia 8 di november pa asisti na e cumbre CELAC-EU. E cumbre aki ta ser organisa pa Co-

munidad di Estadonan Latino Americano y Caribense (CELAC) y Union Europeo (EU). E cumbre ta ofrece oportunidadnan pa sigui fortalece e asociacion entre UE y CELAC. Y pa confirma e posicion di EU como un partner confiabel di e region di LAC.

Prome cu su bishita na Aruba y Corsou, prome minister Shcoof lo asisti na e cumbre di clima di COP30 na Belém,

Brazil, riba 6 y 7 di november 2025. Topiconan cu lo ser atendi durante e cumbre aki ta inclui contribucionnan di estadonan miembro pa logra e meta di 1,5 grado, adaptacion di clima, implementacion y financiamiento di clima. Durante COP30, e prome minister lo dirigi su mes na otro hefenan di gobierno y lo participa den diferente sesion tematico.



Kico legalisacion di indocumentadonan lo cambia pa enseñansa y SVb na Aruba?

Pa hopi tempo Aruba a debati con miho por maneha e realidad cu miles di hende ta biba y traha riba e isla sin status legal completo. E combersacion a bolbe bira mas skerpi e aña aki ora cu gobierno a anuncia proceso di “reintegracion” y politica di salida boluntario. E pregunta cu mayoria Arubiano ta haci ta simpel: si legalisa un porcion significativo di residen-tenan indocumenta, kico lo cambia—specialmente pa enseñansa y pa Banco di Seguro Social (SVb)?

Conteo confiabel ta dificil, pero instancianan humanitario ta calcula cu Aruba y Corsou hunto ta hogar di dies miles di refugiado y migrante Venezolano; cifranan anterior a pone e total combina na alrededor di 23–31 mil, cu e parti di Aruba hopi biaha calcula entre 12–13 mil, cu ta mas o menos 12% di e poblacion di Aruba na momento di e calculacionnan ey.

Aruba su sistema di enseñansa nacional ta sirbi mas cu 22 mil estudiante den 80+ scol y ta sigui un curriculum alinia cu Hulanda. Educacion obligatorio ta core di edadnan di 4 pa 16 aña. Legalisacion di indocumentadonan probablemente lo traduci den un inscripcion formal mas halto di muchanan cu ta aki caba pero cu por ta afo di e sistema of ta cambia di scol frecuentemente pa motibo di nan status instabil. E efecto lo no ta un ola di famianan completamente nobo; mas bien, lo ta un demanda reprimi cu ta bira visibel y legalmente registrabel.

Departamento di Enseñansa di Aruba (DEA) ya ta rastrea alumnonan, personal, finan-



zas y resultadonan; registracion di muchanan indocumenta ta mehora calidad di dato, loke na su turno ta mehora planificacion pa maestronan, klasnan y transporte di scol. Den practica, esey ta nifica cu e Ministerio por presupuesta cu menos punto ciego pa e siguiente aña academico.

Si legalisacion di indocumentadonan ta nifica inscripcion formal di algun 100 mucha adicional den edad di scol den un periodo cortico, e punto di presion inmediato ta contratacion di maestro y tamaño di klas. Sistemanan di dato di DEA ta yuda, pero lo mester di medidanan temporal toch. Como cu presupuesto di enseñansa ya ta carga casi tur gasto pa scolnan publico, cualkier aumento di inscripcion ta rekeri sea realocacion di mitar di aña of aprobacionnan complementario. E bentaha di esaki ta cu muchanan cu antes tabata invisibel pa planificadonan awor ta parti di gruponan visibel y financiabel.

Status regular ta hacie mas facil pa mayornan participa den bida di scol—for di reunionnan cu maestro te na

boluntario—pasobra nan tin menos miedo di visibilidad. Despues scolnan ta usa famianan como partner, mehora asistencia y continuidad di enseñansa. Legalisacion di indocumentadonan pues tin beneficianan inmaterial, pero real pa pertenencia y resultadonan di comportacion cu administradonan ta balora.

SVb

SVb ta ehecuta leynan di seguro social manera Pensioen di Biehes (AOV) y Pensioen di Viudo y Huerfano (AWW) y ta maneha beneficianan di malesa, mientras cu AZV ta Aruba su seguro di salud nacional separa. Legalisacion di un grupo di indocumentado ta afecta principalmente e base di contribucion di SVb y e reclamonan di beneficio den futuro, y, paralelo, e inscripcion y uso di AZV. E distincion ta importante pasobra e canalnan fiscal ta diferente.

Regularisacion ta saca dunadornan di trabou y trahadornan for di e economia informal. Esey ta nifica mas trabou cubri pa SVb, cumplimiento mas halto di salario, y entrada di contribucion mas amplio pa AOV/AWW—un aspecto positivo inmediato pa

e fluho di placa di SVb. Legalisacion di indocumentadonan ta aumenta e denominador di cumplimiento y ta reduci competencia inhusto di labor. Cu tempo, e diviendo di formalisacion aki ta un di e argumentonan fiscal mas fuerte na favor di trece hende den e sistema.

Un preocupacion comun ta si “legalisacion di indocumentadonan lo stroba AOV mesora?” Bou di e reglanan di Aruba, un pensioen completo di AOV ta rekeri mas o menos 47 aña y seis luna di residencia. Cu otro palabra, migrantenan recien regularisa no ta bin na remarke di ripiente pa pensioen completo; nan ta cuminsa acumula derechonan cu ta madura decadanan despues, y cualkier beneficio den futuro ta refleha añanan cu realmente a ser acredita. E estructura aki ta modera e riesgo fiscal riba termino cortico mientras ta respeta e principio di contribucion.

Cambionan frecuente—specialmente esnan liga na trayectonan legal pa programanan di aplicacion—ta crea incertidumbre pa scol y dunadornan di trabou. Un proceso di regularisacion cla y consistente, basa riba criterionan stipula, fechanan limite y documentacion, ta yuda tene e demanda previsibel.

Registro civil ta keda un desafio grandi. Ora legalisacion di indocumentadonan stop den e fase di papeleo, famianan no por registra nan yiunan of tin acceso na cobertura di salud di AZV, hasta si nan ta cualifica. Un sistema di “one-stop intake” y un coordinacion mas estrecho entre DIMAS, SVb, AZV, y DEA lo reduci e retrasonan aki significativa-

mente.

Hopi estudiante ta lucha den klas debi na bareranan di idioma. Ya caba Aruba ta reconoce e reto aki, specialmente den examennan basa riba Hulandes. Financiamiento dedica pa asistentenan di idioma y formacion di maestro mara na metanan di inscripcion lo haci un diferencia grandi.

Tin hopi confusion tocante e asina yama “drenahe di pensioen instantaneo.” E reglanan di e sistema di AOV mester ser comunica bon cla: añanan di trabou acredita ta determina e porcion di pensioen gana, y un pensioen completo ta rekeri varios decada di residencia. Informacion cla ta e miho defensa contra mal informacion.

Legalisacion di indocumentadonan no ta magia, y e no ta un peso financiero tampoco. Pa enseñansa, e ta converti studiantenan “invisibel” den studiantenan visibel y ta incorpora nan den planificacion, permitiendole e Ministerio pa duna miho financiamiento, sosten di idioma y espacio den klas.

Pa SVb, e ta amplia e base di contribuyentenan awendia mientras ta reparti e obligacionnan di pensioen hustamente riba termino largo, segun añanan credita. Y pa AZV, e ta nifica mas miembro sigura cu nan cuido preventivo por baha e presion riba e servicionan di emergencia.

Nada di esaki lo sucede automaticamente. E acercamento mas inteligente ta pa combina regularisacion cu coordinacion administrativo entre DIMAS, SVb, AZV, y DEA, financiamiento di enseñansa enfoca riba sosten di idioma y personal, y comunicacion publico cla tocante ken ta cualifica pa kico, y ki ora.

Esnan cu ta maneha e proceso aki mester publica un dashboard di regularisacion—cu datonan mensual riba inscripcion na DIMAS, inscripcion na scol, contribucion di SVb, y inscripcion di AZV—pa asina publico por sigui e progreso real.

Aruba a nabega exitosamente den cambionan demografico antes, y por hacie atrobe cu transparencia, y cu e institucionnan social fuerte cu ta haci e comunidad mas resiliente, y no mas zwak.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Fondo di inversion...? *Ma ta cuanto fondo tin...?*

Gobierno a anuncia e creacion di un fondo di inversion, pa cual tin disponible den presupuesto 2026 un suma di Afl. 50 miyon. E ley necesario pa institui e fondo ta na Raad van Advies (RvA) pa nan consejo. Un fondo di inversion en principio por duna mas structura na e tarea gubernamental di inverti den un cantidad di proyecto, entre otro pa mantene infraestructura na nivel, y pa proyecto cu vista pa futuro pa nos pais keda competitivo. Un fondo di inversion por ta un bon idea anto, si ta tuma na cuenta e realidad gubernamental den cual e iniciativa aki ta tuma lugar. Kico ta e caso? Cu, manera den hopi asunto, nos mester mira esaki tambe for di un otro angulo envez di simplemente aplaudi e iniciativa como uno bon pa nos pais. Por ehemplo, un fondo di inversion no lo significa cu 'por arte de magia' lo tin hopi mas placa disponible pa inverti, compara cu e situacion den cual gobierno por opta pa no crea un fondo, pero simplemente presupuesta e inversionnan y percura pa nan ehecucion adecua.

Pero evista mas amplio cu mester, esey gobierno a hay'e caba na april 2025, na momento cu e mesun Consejo Consultivo (RvA) a duna un consejo encunto e institucion di fondo presupuestario. Como cu e proyecto di ley, presenta avor pa consejo, ta den un fase ainda unda nos no por tuma nota di su contenido, lo mester warda te ora e documento haya consejo di RvA y por bay parlamento pa tratamiento. Ta parce nos logico cu, si acaso gobierno no a tene cuenta den e proyecto di ley aki cu loke RvA a formula den su consejo mas tempran e aña aki, cu sigur esey lo keda inclui anto den nan consejo riba e propuesta di ley menciona. Loke si nos tin disponible ta e consejo menciona, cu a duna nos algun aspecto importante, a base di cual despues por evalua e proyecto di ley pa e fondo di inversion. Pa cuminsa RvA ta muestra gobierno riba e hecho cu actualmente ainda tin un cantidad considerable di fondo, esta NUEBE (9), cada un den nan estado particular di administracion y (in) cumplimiento cu e reglanan legal pa tal fondo. E base legal pa e fondonan aki y e manera pa administra nan ta den Comptabiliteitsverordening (AB 1989 no. 72). E ley aki ta stipula (articulo 40) cu mester administra e fondonan presupuestario aki separadamente. Esaki obviamente pa evita cu por haci uso inapropia di e recursonan deposita den cada uno. Aki nos ta topa cu un di e obheccionnan mas importante di institucion di demasiado fondo specifico, pasobra esaki ta aumenta e trabao administrativo extra cu cada fondo cu ta crea. Ademá RvA ta constata cu den varios caso no ta cumpli cu e requisitonan legal di administracion, por ehemplo encunto

presupuesto y cuenta anual di cada fondo. Esaki ta e caso mientras cada un tin e obligacionnan legal stipula den e ordenanza encunto contabilidad menciona. Por bisa cu aki caba tin bastante trabao pa haci pa tur e fondonan aki ta 'al dia' cu nan obligacion financiero, tambe pasobra nan retraso cu dunamento di cuenta financiero ta un estorbo pa gobierno su cuenta anual, cu tambe ainda ta un cuento sin final. Tambe ta surgi e problema cu e existencia di tanto fondo specifico ta limita e fondonan general na cual gobierno tin acceso, por ehemplo ora surgi un situacion unda por tin un emergencia cu por significa miho uso pa e recursonan ey. Mas fondo specifico, mas gobierno mes ta limita su espacio pa manobra ora situacion ta requeri esey.

Pero e vista duna ta mas amplio ainda. RvA ta observa cu, ora contempla e organizacion gubernamental, tin dos desaroyo cu ta preocupante. Esey ta e institucion y composicion di e ministerionan, cu cada periodo di gobierno ta cambia. E otro preocupacion ta e "ola continuo di independizacion di instancia gubernamental," segun RvA, cu ta siguielabora: "Cada desaroyo ta caracteriza hopi biaha pa toma di decision no bon fundamenta y poco transparente, y ta conduci na fragmentacion cu no ta beneficia e cohesion y union di tanto e forma di institui gobernacion como su maneho."

Ta realmente ironico cu, mientras di un banda ta bisa cu ta haciendo un bon trabao den e cooperacion cu Hulanda pa ehecuta reforma adecua dentro di e aparato gubernamental, nos ta keda mira cu cada gabinete nobo ta keda aumenta na e fragmentacion cu RvA ta constata. Esaki den forma di cada vez mas entidad gubernamental 'autonomo' y uso excesivo di fondo presupuestario, loke ta conduci na gobernacion fragmenta y ta contradictorio na e deseo di cualkier gobierno pa mantene un vista claro riba desaroyo den gobernacion y comunidad. Ta recomendable pa gobierno tuma na cuenta e 6 puntonan cu RvA a trece dilanti cu ta sintetiza e deficiencianan constata, entre otro falta di obhetivo adecuadamente describi, falta di regla pa administracion y supervision den e leynan di institucion di e fondonan, y e fenomeno di presupuesto pa mas di un aña. Esey banda di e incumplimento cu regla pa presupuesto y cuenta anual, loke ta afecta tambe e derecho di parlamento pa aproba presupuesto (budgetrecht). Sin embargo, e aspecto mas ironico, pa no usa otro palabra, di henter e asunto aki ta cu e 'organo mas halto' di nos sistema gubernamental ta aparentemente 'asina halto' cu nunca a bin ripara esaki, mucho menos siquiera un keho o critica tocante e asalto aki riba nan derecho sagrado. Nan por cuminsa haci nan trabao?

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Aruba ta yuda Jamaica despues di horcan devastador

Despues cu horcan catastrofico di Categoria 5, Melissa a pasa riba Jamaica diahuebs 28 di october, esaki a causa un gran devastacion den e parti oost di e isla. E comunidad di Aruba ta uni den esfuerso di ayudo y sosten pa nos isla ruman di Jamaica.

Gobierno di Aruba hunto cu Consul Honorario di Jamaica na Aruba ta coordinando activamente e ayudo y sosten bao di un (MoU) pa facilita un reaccion humanitario conhunto. Diabierna y dialuna ultimo tabatin diferente reunion na Bestuurskantoor pa coordina esfuerso di yudansa.

Donacion

Cruz Cora Aruba a mobilisa pa asisti den e esfuerso di ayudo. E canalnan pa dona-

cion ta stableci pa sigura cu e ayudo por yega na Jamaica lihe y eficazmente.

Lo tin punto di donacion di Cruz Cora na varios lugarnan designa rond di e isla pa colecta contribucion pa Jamaica.

E donadornan tambe por contribui via e fondo Red Cross Aruba-Jamaica Relief Fund

Banco: Aruba Bank
Nomber di cuenta: Donate to Red Cross Aruba Jamaica Relief Fund
Number di cuenta: 0384010990

Articulo cu ta acepta y necesario ta inclui:

Articulo di cuminda di primera necesidad
Producto fresco (si ta sigur y apropiado)

Articulo di higiena pa muhe y baby

Boter di awa

E Consul di Jamaica na Aruba ta den contacto cu YMCA Aruba pa explora e posibilidad di usa nan facilidadnan como lugar oficial pa entrega donacion, pa haci e distribucion mas facil y minimalisa problema di transporte.

Reunion cu comunidad

Un reunion pa e comunidad di Jamaica biba na Aruba lo tuma lugar e diahuebs aki na Kulture Cafe San Nicolas p 7:00 anochi.

Durante e reunion aki lo ta duna informacion tocante e proceso di donacion, lugar pa entrega y e coordinacion cu e representantenan di Jamaica y autoridad local.



Gobierno di Aruba a compromete for di e pueblo di Jamaica y su comunidad na Aruba cu nan ta expresa gran aprecio

pa tur contribucion material, comestibel of financiero; pa sostene e esfuerso di ayudo y recuperacion di Jamaica.

Prome Estudio Nacional di Riesgo di Clima na Aruba

Stimson Center y Consejo Nacional pa Resiliencia Climatologico (NCRC) den colaboracion cu varios instituto y instancia local a publica resultado di un estudio di un aña pa identifica y compronde e riesgonan di clima y con pa haci Aruba mas resiliente contra cambio di clima.

Stimson Center (un instituto di investigacion Mericano), hunto cu e Consejo Nacional pa Resiliencia di Clima (NCRC), a publica e siman aki e resultadonan di un estudio (yama CORVI) tocante riesgonan di clima y lama pa Aruba.

E estudio CORVI aki ta spluca e impactonan grandi di cambio di clima na Aruba. Si nos no haci nada, Aruba lo enfrente un cambio drastico. Nivel di lama ta subi, lo tin mas calor y segura pa mas largo, y nos costanan ta gastando. Esaki ta un peliger pa casi tur cos na Aruba: nos casnan, cuido medico, turismo, economia y infraestructura.



Segun Sra. Lauren Risi, Directora di Stimson Environmental Program, e analisis a identifica tres (3) area di riesgo principal pa Aruba:

Salud di nos naturalesa (ecosistema) a bay atras y ta fragil. Cambionan social y demografico, incluyendo mas hende y mas hende di edad avanza.

E vulnerabilidad di un economia cu ta depende di turismo.

E riesgonan aki ta conecta. Nan ta muestra con e salud di nos hendenan, nos medio ambiente y nos economia di turismo ta mara na otro. E investigacion ta alerta riba retonan urgente: nos ta per-

diendo naturalesa (biodiversidad), tin mucho mas construccion, nos comunidad ta experiencia behecimento y tin presion di crecemento sin control di turismo. Tur esaki ta haci Aruba mas vulnerabel pa cambio di clima.

Dr. Ryan R. Peterson, presidente di NCRC, a bisa: "e resultadonan aki ta indica cu tin diferente riesgonan, for di e peliger directo pa nos costanan te na e efectonan riba nos economia y pa esnan mas vulnerabel. E ta confirma loke hopi di nos sa caba: nos coralnan ta muriendo, e calor ta birando mas pisa, y nos naturalesa ta bou presion. E ra-

port ta un recordatorio serio cu nos prosperidad ta mara na salud di nos sociedad y medio ambiente."

CORVI a wordo crea pa yuda esnan cu ta traha maneho compronde y maneha e riesgonan di clima. E estudio ta identifica riesgonan urgente, pero tambe oportunidadnan pa bira mas fuerte. Si Aruba inverti den restauracion di naturalesa, plania e desaroyo di nos pais miho (planificacion espacial) y haci nos economia mas controla y fuerte, Aruba por bira un lider den region.

Segun e Minister di Finansa, Asuntonan Economico y Sector Primario, Sr. Geoffrey Wever: "e raport aki ta confirma cu cambio di clima no ta un peliger leu. E ta un riesgo financiero y economico cu ta creciendo aworaki. E subida di nivel di lama, gastamento di costa y e calor extremo ta menasanan directo pa nos infraestructura, nos estabilidad financiero y e recursonan natural cu nos economia ta depende di dje. Pesey, haci nos pais mas fuerte (resiliente) pa clima ta un necesidad

economico. E ta e base pa nos estabilidad financiero den futuro y nos capacidad pa desaroyo sostenibel."

Esaki ta e di 16 estudio di CORVI den region. A haci estudionan similar den otro islanan den Caribe. Aunke cada isla tin su riesgonan specifico, tin menasanan cu tur ta comparti. Esaki ta muestra cu tin mester di planificacion integra, un economia 'blue' (di lama) cu ta sostenibel, y infraestructura inteligente.

Sra. Sally Yozell di Stimson Center ta indica cu e resultadonan di CORVI ta importante pa e siguiente pasonan pa fortalece nos resiliencia contra impacto di cambio di clima. "E ta yuda Gobierno di Aruba, NCRC y partnernan den sector priva desaroya e Plan Nacional di Adaptacion na Clima", segun Sra. Yozell.

Por download e rapport completo di Aruba CORVI Assessment na: <https://ncrc-aruba.org/publications>.

Canamento por ta e miho defensa di e cerebro contra Alzheimer

(ScienceDaily)—Agrediendo un par paso den bo rutina diario por yuda atrasa e progreso di maleza di Alzheimer, specialmente entre esnan cu ta mas vulnerabel, segun investigacion nobo. Den un estudio publica den Nature Medicine, cientificonan di Mass General Brigham a descifra cu mas actividad fisico tin corelacion cu un caida cognitivo mas lento den adultonan mayor cu tin un nivel mas halto di amyloid-beta, un proteina cu tin un relacion fuerte cu Alzheimer.

En averahe, personanan cu tabata cana entre 3.000 y 5.000 paso pa dia a experiencia casi tres aña di retraso den e caida cognitivo. Esnan cu tabata cana entre 5.000 y 7.500 paso pa dia a mira cu e retraso a prolonga te casi siete aña. Na otro banda, participantenan cu tabata mas inactivo a muestra un acumulacion mas rapido di proteina tau den cerebro, algo cu ta relaciona cu e progreso di Alzheimer, y un caida mas rapido den ha-



bilidadnan di pensa y funcion diario.

“Esaki ta duna claridad riba kico ta causa cu algun hende riba e trayectoria di Alzheimer no ta bay atras mesun rapido cu otro,” e autor principal di e estudio, Dr. Jasmeer Chhatwal a bisa, ken ta di e Departamento di Neurologia di Mass General Brigham. “Factornan di estilo di bida ta parce di tin un impacto den e etapa mas tempran di Alzheimer, sugeriendo cu cambio di estilo di bida por atrasa aparicion di sintomanan cog-

nitivo si nos actua tempran.”

Estudio di largo plaso riba actividad y cambio den cerebro

Investigadornan a analisa 296 individuo di entre 50 y 90 aña cu no tabatin deterioracion cognitivo na comienso di e Harvard Aging Brain Study. Participantenan a usa podometronan na cintura pa midi e actividad fisico y a haya PET scan pa midi placa di amyloid-beta y cadenanan di proteina tau den cerebro. Nan a completa evaluacionnan cognitivo anual du-

rante un periodo di dos te 14 aña (promedio=9,3 aña), y un subgrupo a haya scan adicional pa monitoria cambio di tau cu tempo.

E resultadonan a muestra cu participantenan cu nivelnan eleva di amyloid-beta cu tabata cana mas pa dia a experiencia un deterioro cognitivo mas lento y un acumulacion mas lento di e proteina tau. Modelonan estadistico a indica cu e beneficio principal di actividad fisico ta bin di su relacion cu un acumulacion mas lento di tau. Entre participantenan cu nivelnan abao di amyloid-beta, no tabatin evidencia di deterioro cognitivo ni di aumento di tau, y tampoco un corelacion significativo cu nivel di actividad.

Construyendo resistencia cognitivo via movimiento

“Nos ta hopi contento cu e datonan di e Harvard Aging Brain Study a yuda e tereno di ciencia miho compronde e importancia di actividad fisico pa mantene salud di cerebro,” e co-autor Dr. Reisa Sperling,

a bisa, ken ta un neurologo na Mass General Brigham y co-investigador principal di e estudio. “E descubrimientonan aki ta muestra cu ta posible pa construi resistencia cognitivo y resistencia contra patologia di tau den contexto di Alzheimer preclinico. Esaki ta especialmente estimulante pa nos meta final di preveni demencia di Alzheimer y pa reduci demencia causa pa multiple factor.”

E equipo ta plania pa investiga mas riba cua tipo di actividad fisico ta mas beneficioso, incluyendo con intensidad y patronchinan di ehercicio a largo plazo por influencia salud di cerebro. Nan tambe kier descifra e mecanismo biologico cu ta conecta movimiento fisico, acumulacion di tau, y funcion cognitivo. E investigadornan ta kere cu e comprensionnan aki lo por guia futuro ensayonan clinico pa proba si intervencion basa riba ehercicio por atrasa deterioro cognitivo den adultonan mayor, especialmente esnan cu tin un riesgo mas halto pa desaroya Alzheimer.

Gobierno Hulandes ta anula plan pa reduci deducibel di cuido di salud te €165



NLTimes)—E gobierno demisionario di Hulanda a tuma e decision pa anula su plan reduci na mita e deducibel di cuido di salud (zorg eigen risico) te €165 na 2027, segun fuentenan interno cu a papia cu De Telegraaf. E plan no tin apoyo suficiente den parlamento pa motibo di e dinamica politico despues di eleccion,

segun nan a bisa.

E acuerdo di coalicion entre PVV, VVD, NSC y BBB tabata inclui un plan pa reduci structuralmente e deducibel di cuido di salud for di €385 te €165 na 2027 y pa pone un maximo di €50 pa tratamiento. Esaki tabata na insistencia di PVV. E partido di Geert Wilders tabata hungando prome cu e idea pa elimina

e deducibel di cuido di salud completamente durante e campaña electoral anterior.

E ministernan demisionario di e gabinete Schoof I—cu a cay dos biaha—a discuti e deducibel durante e reunion di Ministerraad diabierna, y a acorda pa pospone e plan “te un otro aviso,” segun fuentenan di De Telegraaf. Nan a agrega cu e gobierno ta anticipa cu e proposicion lo muri den parlamento pa falta di apoyo.

Raad van State anteriormente a critica e plan fuertemente, advirtiend cu e lo aumenta e primanan di seguro significativamente, no lo resolve e problema pa esnan mas vulnerabel den sociedad, y incluso lo empeora e situacion di personanan cu discapacidad.

Hopi partido politico, incluyendo e partido D66 cu awor ta esun mas grandi, a tuma esey den consideracion y kier mantene e deducibel na €385 pa aña. VVD, CDA y JA21 ta hasta desea di aumento e deducibel.

VVD y CDA casi sigur lo forma parti di e proximo dialogo pa formacion di coalicion. JA21 tambe ta un probabel

candidato. Otro candidato cu tambe ta probable, GroenLinks-PvdA, ainda tin un re-

duccion di e deducibel den su programa electoral.



TRABOU DI MANTENCION DEN TRANSFORMATORSHUIZEN NA SAVANETA
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diabierna, 7 di november 2025
8:30 AM te cu 8:45 AM

Den vecindario di:
• Savaneta (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.


ELMAR

Ombudsman ta expone falta completo di centronan di cuido di mucha cu licencia na Corsou

(CuracaoChronicle) - Ni un centro di cuido di mucha registra oficialmente na Corsou actualmente tin un permiso of exoneration valido, a pesar cu tal autorisacion ta legalmente necesario for di 2008. E constatacion alarmante aki ta bini di un rapport condenatorio emiti door di Ombudsman (Defensor di Pueblo), cu ta subraya añanan di negligencia gubernamental den supervision di cuido di mucha riba e isla.

Segun e rapport, sistematicamente gobierno no a cumpli cu su obligacion legal pa proteha muchanan hoben vulnerabel. A lansa e investigacion door di Ombudsman pa evalua con Ministerio di Enseñansa, Ciencia, Cultura y Deporte (OWCS) a bin ta implementa e Ordenansa Nacional pa Cuido di Mucha (Landsverordening kin-

deropvang Corsou).

Supervision di facilidadnan di cuido di mucha—realisa pa solamente tres inspector— a ser haya structuralmente inadecua. Aunke 107 centro di cuido di mucha ta oficialmente registra, ningun di nan ta cumpli cu e rekisitonan legal formal.

E Ombudsman tampoco no a haya dato confiabel riba e calidad, higiena of seguridad di e facilidadnan aki. Es mas, instancianan di supervision, incluyendo Bombero y Inspeccion di Salud Publico, rara bes ta eherce nan tareanan. A pesar di esaki, subsidio di gobierno ta sigui ser paga na centronan di cuido sin importa si nan ta legalmente reconoci.

E rapport ta bisa cu e Minister di OWCS ta na altura di e deficiencianan aki pa añanan, y toch no a tuma medidanan

efectivo. Como resultado, e ministerio a “contribui te na cierto grado na continuacion di e situacion actual,” e Ombudsman a conclui. E fracaso continuo aki ta mina seriamente e proteccion di mucha, manera garantiza pa tanto convencionnan internacional como Constitucion di Corsou.

E Ombudsman a emiti seis recomendacion urgente, incluyendo aplicacion inmediato di leyman existente, mejoracion di comunicacion cu centronan di cuido di mucha, cooperacion inter-ministerial mas fuerte, y un revision amplio di legislacion anticua. E Minister di OWCS a haya cuater luna pa tuma accion concreto.

E rapport ta expone un problema fundamental y di hopi tempo: pa 17 aña, e sector di cuidu di mucha di Corsou ta opera sin regulacion of super-



vision efectivo, lagando un di e gruponan mas vulnerabel di sociedad—muchanan hoben—na peligro. E yamado pa

intervencion rapido di gobierno a bira pues mas urgente cu nunca.

Sint Maarten: Minister di Finanzas ta finalisa leyman nobo pa regla gastonan di banco

(TheDailyGerald) - Minister di Finanzas Marinka Gumbs ta bisa cu varios ley financiero nobo ta ser finalisa pa fortalece proteccion di consumidor, promove inclusion financiero, y duna Banco Central di Corsou y Sint Maarten (CBCS) e autoridat pa regula gastonan bancario.

Gumbs a haci e anuncio durante e reunion publico di Parlamento di siman pasa mientras e tabata contesta preguntanan di un miembro di Parlamento (MP) riba e Concepto di Ordenansa Nacional riba e Cuenta di Pago Basico, cu ta busca pa garan-

tisa acceso na servicio bancario pagabel pa tur residente.

Ora a puntr’e tocante e clausula den articulo 2.5 di e concepto di ley— “biedt diensten tegen redelijke vergoeding aan” (ta ofrece servicio pa un tarifa rasonabel)—y e preocupacion cu “rasonabel” por ta mucho vago, Gumbs a aclaria e intencion di e legislacion.

E minister a splica cu articulo 2, inciso 5, di e concepto di Ordenansa Nacional riba e Cuenta di Pago Basico ta stipula cu mester ofrece un cuenta di pago basico sea gratis of pa un tarifa rasonabel. “Un ‘tarifa rasonabel’ den e

contexto aki ta referi na un tarifa cu ta mas abou cu esun di un cuenta di pago regular, reconociendo cu e grupo particular aki di consumidor ta haci uso di menos servicio bancario.”

Gumbs a sigui informa Parlamento cu e ley di Cuenta di Pago Basico ta solamente un parti di un set mas amplio di reformanan legislativo cu ta ser prepara pa su ministerio.

“Ademas di e concepto di Ordenansa Nacional riba e Cuenta di Pago Basico, varios concepto di ley relaciona ta ser finalisa actualmente pa entrega na Parlamento,” el a bisa. “E iniciativanan legislativo aki ta esencial no solamente pa avansa inclusion financiero y proteha consumidornan, pero tambe pa mejora e calificacion di cumplimiento di Sint Maarten cu e Caribbean Financial Action Task Force (CFATF).”

Entre e iniciativanan nobo, Gumbs a remarca un proximo Ordenansa Nacional riba e Supervision di Infrastructuranan y Supervision di Mercado Financiero como un desaroyo clave.

“Un di e conceptonan asina



importante ta e Ordenansa Nacional riba Supervision di Infrastructura y Supervision di Mercado Financiero,” el a declara. “Hopi di nos, incluyendo Honorabel Miembronan di e Camara aki, personalmente a experiencia of tende e preocupacionnan di ciudadanonan pa loke ta trata tarifanan halto di banco y di transaccion. E legislacion binidero aki lo, pa prome biha, empodera Banco Central di Corsou y Sint Maarten (CBCS) cu e autoridat legal pa regula y supervisa e tarifanan di transaccion bancario.”

Actualmente, ni CBCS ni Ministerio di Finanzas tin e mandato legal pa regula of limita e tipo di tarifanan ey.

“Na e momentonan aki, ni CBCS ni ami, como Minister di Finanzas, tin e autoridat legal pa interveni den of regula e tarifanan aki,” Gumbs a bisa. “P’esey ta mi sincero speransa cu ora e concepto di ordenansa aki yega Parlamento, e lo ricibi sosten amplio pa asina e CBCS por ser debidamente obliga pa garantiza husticia, transparencia y responsabilidad den e structuranan di tarifa cu ta afecta nos hendenan riba un base diario.”

E comentarionan di e minister ta señala un cambio di politica dirigi na atende un keho publico comun: tarifanan halto di banco y transaccion.



Ministro encarga cu Turismo & Salubridad ta anuncia cu entrante **07 november 2025** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **koffiehuys- y un restaurantvergunning B** pa e parcela **Tanki Flip 82, Lok 2**. E permisonan aki ta concerni e.o. benta di bebida sterki por detal y cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permisonan menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.

Combersacionnan di coalicion a cuminsa: JA21 ta pusha pa inclusion di PVV, VVD ta busca Gabinete di centro-derecha

(NLTimes) - Prome cu su encuentro cu e informador pa guia e proceso di formacion di coalicion Wouter Koolmees (D66), Joost Eerdmans (JA21) a bisa cu e tin intencion di pidi otro partidonan pa no descarta automaticamente PVV como partner di coalicion. JA21 tin como meta pa forma un coalicion di “centro-derecha” cu ta inclui partidonan manera PVV, D66, VVD, CDA, BBB, of SGP.

Koolmees a cuminsa cu su encargo diaranson mainta door di reuni cu e ganador di eleccion Rob Jetten. Prome cu e reunion, e lider di D66 a enfatisa su preferencia pa un coalicion di mayoria amplio entre otro VVD, GroenLinks-PvdA, y CDA.

Eerdmans ta informa di a topa cu “hopi obstaculo” di otro lidernan di partido na comienso di e proceso di formacion di coalicion. El a describi exclui cierto partidonan como un decision “no sabi.” JA21 ta entre e tiki partidonan dispuesto pa considera un coalicion cu e partido di Geert Wilders, mientras cu CDA, D66 y VVD a bisa consistentemente durante e campaña cu nan no kier goberna cu PVV.

Despues di su reunion cu Koolmees, e lider di JA21 a bisa cu “e perspectivanan



no tabata musta bon” pa un coalicion cu ta involucra partido di Geert Wilders. Partidonan cu ta descarta PVV ta sigui haci esaki. Wilders a reitera diaranson cu su partido kier uni na gobierno, despues di un reunion cu Koolmees.

VVD tin como meta pa forma un coalicion cu JA21, CDA, y D66, un combinacion cu ta suma 75 asiento. Eerdmans a enfatisa cu esaki “no ta e opcion preferi”; JA21 kier un coalicion di mayoria, loke ta nifica cu por lo menos un partido mas lo mester ser inclui. El a nenga di menciona un partner preferi. Despues di su reunion cu e informador, Eerdmans a agrega cu un

coalicion di 75 asiento “no ta completamente descarta.”

Ora cu a puntr’e, Eerdmans a bisa cu e lo ta dispuesto pa papia cu GroenLinks-PvdA, pero e no ta spera di termina den un coalicion hunto. “Nos por sinta na mesa, pero e probabilidad di yega na un acuerdo ta practicamente cero.”

VVD tampoco no ta dispuesto pa permiti un gobierno incluyendo GroenLinks-PvdA. Diaranson, lider di VVD Dilan Yeşilgöz-Zegerius a bisa Koolmees cu e ta faborece formacion di un Gabinete “centro-derecha”, hasta si e lo falta un mayoria den Tweede

Kamer. Yeşilgöz-Zegerius a declara den su carta na Koolmees cu e no ta kere cu un coalicion cu GroenLinks-PvdA por “atende asuntunan cu pa hopi tempo ta preocupa hopi ciudadano Hulandes,” sin duna mas detaye. Despues el a spli-ca cu e ta referi na “inverti den economia, defensa y reduccion di belasting.” E cambio di liderazgo di GroenLinks-PvdA di Frans Timmermans pa Jesse Klaver no ta altera su posicion.

Klaver a enfatisa diaranson, prome cu su reunion cu Koolmees, cu e “kier yuda Hulanda bay dilanti,” sea for di den un coalicion of for di

oposicion. El a agrega cu e no tin “ningun condicion previo.” Haciendo esaki, e lider nobo di izquierda ta parce di ta contrasta su mes cu Yeşilgöz-Zegerius.

“Mi ta kere cu ta crucial pa tur hende den e pais aki cuminsa comporta nan mes rasonablemente, cu politica tumando e liderazgo,” Klaver a bisa. E ta mira e iniciativa como den man di e ganador di eleccion, D66.

Jetten a bisa cu e ta spera cu lidernan di partido lo topa cu Koolmees mas tanto durante e proximo dianan “den diferente combinacion.” Despues di e reunion, Jetten a bisa cu Koolmees ta plania un “proceso intensivo,” cu algun partido ta ricibi invitacionnan mas frecuente. Riba e prome dia, Koolmees a reuni un-pa-un cu e lidernan di e ocho partidonan mas grandi.

Mientras cu e lider di D66 ta faborece un colaboracion particular, e ta “laga na e informador pa evalua si ta util pa cuminsa combersacionnan cu e combinacion ey mesora.”

Ora a puntr’e, el a bisa cu un arreglo di tolerancia “no ta un opcion” den su bista. Bou di un arreglo asina, un partido no ta join gobierno pero ta bay di acuerdo pa sostene cierto politica.

Instructor di landamento den localidad di Noord-Brabant deteni pa delito sexual

(NLTimes) - Un empleado di 44 año di e municipio di Meijerstad a keda deteni siman pasa pa un crimen sexual. Fuentenan a bisa Omroep Brabant cu e homber tabata instructor di landamento na piscina De Neul na Sint Oedenrode.

Polis a detene e homber na su cas diamars ultimo. Nan no a bisa exactamente kico e homber ta ser sospecha di dje, solamente cu e ta un ofensa sexual. Investigadonan a confisca su portadonan di dato, manera laptop y telefon.

E alcalde di Meijerstad a informa conseho di municipio siman pasa cu un empleado

di municipio a keda deteni pa un ofensa sexual. E municipio ta doño di e piscina De Neul. Segun e emisora, mayornan preocupa cu ta purba di tuma contacto cu e piscina ta ser referi mesora na e municipio.

No ta cla ki tipo di abuso ta trata of unda e crimen sexual a sucede. Fuentenan na e piscina a bisa Omroep Brabant cu nan no por imagina cu el a sucede na e piscina pasobra tin hopi medida na vigor pa tene tur hende sigur.

“E principio di cuater wowo semper ta conta aki,” un persona involvi a bisa. “Ta casi imposibel pa ta bo so cu e muchanan.” Personal nunca



no mag di ta nan so cu mucha; tin camara tur caminda, y mayornan por tene un bista riba e piscina door di un bentana grandi.

Habitantenan di Sint-Oedenrode a bisa e emisora cu e homber sospechoso ta un local cu ta conoci pa ta activo den trabou boluntario.

E homber ta den detencion y lo presenta den corte pa un audiencia di detencion diaranson. E investigacion ta andando.

Argentina: E huicio nobo pa morto di Maradona lo cuminsa te na maart di otro año

(Infobae) - E huicio nobo pa morto di Diego Maradona awor tin un fecha di inicio: e lo cuminsa dia 17 di maart 2026, pa 10:00 a.m. Esaki a ser dicidi pa e huesnan di e Corte Penal Oral No. 7 di San Isidro, kendenan a tuma over e procedimiento despues cu e prome huicio a ser anula pa motibo di e scandal di e documental protagonisa pa e hues Julieta Makintach, kende lo enfrenta un proceso di destitucion e siman aki pa e incidente.

Den e sentencia, cu Infobae a obtene, e huesnan Alberto Gaig, Alberto Ortolani, y Pablo Rolón a otorga e peticion haci na comienso di october pa e fiscalnan Patricio Ferrari y Cosme Iribarren, kendenan, hunto cu e abogado donan di e demandantenan, a pidi pa e caso ser acelera.

Pa esaki e huesnan mester a resolve prome un serie di mocion entrega pa e partidonan den e ultimo lunanan. Un di e peticionnan tabata pa un huicio di hurado, presenta pa e defensa di neurocirujano Leopoldo Luque, cu na



final a keda rechasa. Segun e huesnan, nan a nega esaki pasobra e tabata “manifestamente inoportuno y e fase procedural pa su ehercicio a pasa caba.”

E peticion di e defensa di e psiquiatra Agustina Cosachov, kende a pidi pa e aplicacion di e principio di dobel peliger pa evita un huicio nobo, tambe a keda rechasa. Riba e punto aki, e corte tabata categorico: “E anulacion di e huicio anterior a ser declara pa proteha

su derecho di ser husga pa un tribunal imparcial. P’esey, nenga e posibilidad di un huicio nobo lo ta igual na consolida e violacion di su derechonan.”

Otro asunto cu e huesnan a atende tabata e alcance di e anulacion decreta den e proceso di Maradona, cu a ser suspendi debi na e scandal cu ta envolve hues Julieta Makintach. Riba e punto aki, nan a determina cu e medida lo drenta na vigor cuminsando cu e audiencia preliminar

di e procedimiento oral, cu a cuminsa na maart.

Esaki ta nifica cu e huicio di hurado separa pidi pa e di ocho acusado den e caso, enfermera Dahiana Gisela Madrid, lo sigui, mientras cu e otronan lo enfrenta un huicio di hurado.

E acusadonan cu lo ser husga entrante 17 di maart pa nan responsabilidad den morto di Diego Maradona ta: neurocirujano Leopoldo Luque,

psiquiatra Agustina Cosachov, psicologo Carlos Díaz, enfermera Ricardo Almirón, su supervisor Mariano Perroni, coordinadora di seguro medico Nancy Forlini, y fisico Pedro digna Spagna.

Pa reanuda e huicio, corte a programa un audiencia preliminar pa 12 di november pa 10:30 a.m., cu lo ta dedica exclusivamente na revisa y admiti e evidencia ofreci pa e partidonan.

E prome audiencia oral tocante morto di Maradona a cuminsa dia 11 di maart y a ser declara nulo dia 29 di mei, despues di mas di dos luna di debate y 40 testigo.

Corte Penal Oral No. 3 di San Isidro, cu ta consisti di huesnan Maximiliano Savarino, Verónica Di Tommaso, y Julieta Makintach, a precidi e procedura.

Sinembargo, despues cu a keda revela cu hues Makintach a autorisa e filmacion di un documental tocante e caso sin consentimiento di e partidonan involvi, e audiencia a keda declara nulo.

Peru: Gang di adulto mayor a atraca botica y a horta remedi cu balor di mas cu \$1.800

(Infobae) - Un grupo di cuater adulto mayor a horta mas cu seis mil soles (casi \$1.800) na balor di productonan dermatologico for di un botica situa na San Miguel, Lima. E incidente a keda captura pa e camaranan di seguridad di e establecimiento y ta revela un modus operandi criminal caminda ciudadanonan di edad avansa ta realisa e crimen na un manera coordina y rapido.


Segun un informe di Latina Noticias, e malhechornan a yega na e botica no pa compra remedi pa tratamentonan di rutina, pero pa horta articulonnan di balor halto, principalmente sunblock y crema pa cuido di cuero. E imagennan ta mostra e prome miembro di e grupo drentando y pidiendo asistencia pa un supuesto dolor di lomba, mientras e

tabata distrai e empleado di botica.

Un di dos individuo a keda banda di e area di servicio, yudando pa sconde e ladroncia. Mientras cu e individuronan aki tabata tene e boticario ocupa, dos otro miembro di e gang—un homber y un muher, tur dos identifica pa nan pechi pa sconde nan identidad—a acerca un area restringui di e tienda.

E muher a forsa habri un porta y a kita e productonan dermatologico mas caro, poniendo nan den un saco preto, manera confirma pa imagennan verifica pa e medio di comunicacion.

E accionnan di e pareha di edad no a dura mas cu dos minuut. Por a mira tambe cu un di e complicenan a pretende di a haci un yamada telefonico y a manipula al-



gun yabi durante e ladroncia, creando zonido pa distrai potencial sospecho. Unabes cu nan a haya loke nan a bin pa busca, e grupo a bandona e establecimiento despues di a nenga di paga na dollar, un metodo cu a cubri e operacion mas ainda.

E medio di comunicacion menciona a papia cu e gerente di e tienda, kende a indica cu e balor di e articulonnan horta a surpasa seis mil soles. Algun comerciante y empleadonan di botica den e area a informa cu e atraconan aki ta sucede frecuentemente, a pesar di e estado di emergencia.

Testigo y residentenan di e area a expresa sorpresa pa e envolvimento di ciudadanonan di edad avansa den e tipo di crimennan aki, usando un apariencia inocente pa evita sospecho. E video di atraco a mostra cu e cuater individuronan involvi tabata bisti na paña formal y a actua na un manera planea.

Na juni, dos ciudadano di edad avansa a probecha di eventonan social na Miraflores pa horta pertenencianan di asistentenan. Sinembargo, nan no a logra realisa cu camaranan di seguridad lo ta crucial pa identifica nan

modus operandi.

E grabacionnan a revela con un di e individuronan a coy un cartera di un dama y trankilamente a cana bay for di e luga pa evita di lanta sospecho. Un complice tabata warda pafo, cla pa facilita su huida.

A pesar di nan intento, nan no por a completa e atraco debi na e alerta lanta entre e asistentenan y e intervencion pronto di Polis Nacional Peruano (PNP). Adicionalmente, un dama a keda deteni den un vehiculo caminda supuestamente e tabata warda riba e resto di e grupo.

Cuba: Casi 8.000 persona ta keda evacua na Río Cauto despues di pasada di horcan Melissa

(CiberCuba) - E municipio di Río Cauto, den e provincia di Granma, ta keda bao di un estado di alerta debi na e inundacionnan severo causa pa horcan Melissa, cu a causa cu e rio mas largo di Cuba a desborda, lagando miles di famia sin cas, sin awa limpi, y cu perdida total di nan pertenencia y cosechanan.



Segun informenan di Consejo di Defensa Municipal (CDM), mas di 7.700 persona ta keda evacua den refugionan, mientras cu otronan ta kedando cerca familiaran.

Aunke e nivelnan di awa a cuminsa baha den varios area, problemanan di inundacion y dreñahe ta persisti, strobando

e regreso sigur di e residentenan.

E presidente di Consejo di Defensa Municipal, Sadia Pérez Nápoles, y e prome secretario di Partido Comunista di Cuba (PCC) na Granma, Yudelkis Ortiz Barceló, a lidera un reunion di urgencia pa evalua e situacion actual y defini medidanan di

recuperacion inmediato.

Entre e problemanan principal identifica ta e falta di awa limpi. Autoridadnan a admiti cu mayoria di e sistemanan di suministro di awa ta keda fuera di servicio, pues a lanta puntanan di distribucion cu trucknan di tankero for di Las Tunas, y a establece reservorionan temporal den e comu-

nidadnan mas isola.

Tambe a bay di acuerdo pa garantisa e entrega di articulonan di cuminda basico y lechi na gruponan di prioridad—muchu, hende muhe na estado y hende grandi—y tambe substitucionan di cereal pa esnan cu no ta consumi esaki.

E distribucion controla di galiña pa muchanan bou di 13 aña y adultonan riba 65 aña ta plania, autoridadnan a bisa.

Ademas, nan a instrui un evaluacion detaya di e daño na casnan, cultivonan y servicicionan basico. Entre e areanan critico tin varios substacion electrico inunda y e Parke Solar Fotovoltaico, cu

lo ser inspecta pa un comision nacional di specialistanan.

Aunke e Río Cauto a bolbe na su nivel normal despues di e yobidanan, e situacion humanitario ta keda serio. Autoridadnan ta sostene cu “e prioridad ta salud, suministro y transparencia,” pero residentenan ta exige solucionnan concreto pa reconstrui nan casnan y cultivonan destrui.

E crisis a resalta un biaha mas e fragilidad di e sistema di maneho di calamidad di Cuba y e scarsedad di recursosnan material pa trata cu emergencianan natural. Hopi di e evacuadonan ta keda den shelternan improvisa sin higiena adecua of suficiente cuminda.

Republica Dominicana: Mas cu 2,8 miyon hende a participa den e ehercicio nacional di evacuacion di temblor

(DiarioLibre) - Diaranson, 5 di november, a tuma luga e di cinco ehercicio nacional di evacuacion di temblor, organisa pa e Centro di Operacionnan di Emergencia (COE), cu e meta pa fortalece e preparacion y contesta di e poblacion na un posibel evento sismico.

Instancianan publico, companianan priva, centronan educativo, organisacionnan di comunidad, entidadnan di sociedad civil, y ciudadanonan interesa den mehora nan capacidatnan di contesta riba temblor a participa den e ehercicio.

Entre e entidadnan participante tabata Hospital Padre Villini, Instituto Geografico Nacional, Instituto Do-

minicano di Meteorologia (Indomet), Oficina Nacional di Propiedad Industrial (Onapi), Cuerpo di Acreditacion Dominicano (ODAC), Banco Popular, Direccion General di Belasting Interno (DGII), como tambe Hospital Municipal Particular y Hospital Municipal Indomet.

E ehercicio a cuminsa 10:00 a.m. y a dura mas o menos 30 minuut, tumando luga simultaneamente den henter e pais.

E director di e Centro di Operacionnan di Emergencia (COE), Juan Manuel Méndez García, a señala cu den añanan anterior a conduci ehercicionan regional den e provincianan di Santiago y Puerto Plata, pero den e ultimo cuater añanan e practica a

ser extende na nivel nacional, usando e edificio di gobierno di Juan Pablo Duarte, conoci como El Huacal, como un luga simbolico debi na e cantidad grandi di empleadonan publico.

“Mirando cu no por pronostica temblornan, e ehercicio aki lo yuda nos sa con pa actua si un evento asina sucede den e pais,” Méndez García a bisa, kende a considera e ehercicio un exito y a gradici e publico pa nan entusiasmo pa participa den e ehercicio preventivo aki.

Segun Coronel César Balbi, un di e coordinadornan di e ruta di evacuacion di El Huacal, personal di e edificio a ricibi instruccionnan specifico pa coordina movimiento riba cada piso, desactiva e lift-



nan, y activa e sistema di ambulance, garantizando e seguridad di tur e participantenan.

Segun e institucion, un total di 2.800.005 persona a registra a traves di e website di COE pa participa na e ehercicio.

E participantenan registra a ser agrupa di e siguiente manera: individual (1.800), famia (457), institucional (4.300), y actividad industrial of comercial (984), pa un total di 7.517 registracion.

Di su banda, e director suplente di COE, Edwin Olivares, a declara cu e ehercicio a cumpli cu e obhetivonan nacional cu e institucion a pone: pa evacua e cantidad di mas grandi di hende den e tempo mas cortico posibel, specialmente na scolnan, in-

cludiendo muchanan cu necesidadnan special.

“Ningun pais den e region a logra un mobilisacion di e magnitud aki, loke ta haci e ehercicio aki e ehercicio di evacuacion mas grandi di Latino America”, Olivares a afirma.

E obhetivo principal di e ehercicio tabata pa fortalece e preparacion y contesta di e poblacion na un posibel temblor, y tambe pa reduci e riesgo di calamidadnan den caso di un evento sismico real.

Finalmente, Méndez a enfatisa cu e ehercicio originalmente tabata programa pa 23 di october, pero mester a ser posponi pa motibo di e awasero pisa causa pa horcan Melissa.



Cantante Todd Snider a keda deteni despues di supuesto agresion

(TMZ) - Cantante y escritor Americana, Todd Snider, a keda deteni na Salt Lake City, Utah despues di a ta hospitalisa pa trata heridan cu el a haya den un supuesto agresion pafo di su hotel.

Segun e affidavit di e detencion, e musico basa na Nashville tabata rabia cu a lag'e bay cas for di Salt Lake City Regional Hospital y a cuminsa grita y ofende e empleadonan di e hospital. Polis ta bisa cu a bisa su persona pa bay for di e propiedad, cual el a haci, pero nan ta bisa cu el a regresa y a "haci menasa verbal" na e

supuesto victima pa medio di drenta e persona su cara y bisa cu e ta bay "dal nan."

Snider consecuentemente a keda deteni diadomingo anochi y ingresa Salt Lake County Jail pa conducta desordena, entrada no autorisa y haci menasa di violencia. El a keda libera dialuna pa servicio prome cu huicio, segun vocero di Salt Lake City Sheriff.

E cantante su ekipo "Beer Run" a anuncia riba Instagram dialuna cu su tour "High, Lonesome and Then Some" pa aña 2025 mester

keda cancela despues di su "heridanan severo como victima di un agresion violento."

E tabata den schedule pa duna concierto diasabra na South Salt Lake.

Snider su ekipo a bisa cu e "no por duna e concierto na un tempo cu no a determina ainda" y a duna danki na su fanaticonan pa e sosten mientras e ta "ricibi e tratamiento medico necesario."

Nan no a haci mencion na su detencion.



Osmel Sousa ta confirma su retiro di Miss Universe Organization

(LatinTimes) - Despues di mas di 4 decada ta duna forma na concursonan di beyesa, Osmel Sousa, conoci na Latino America como "El Zar de la Belleza," a oficialmente anuncia su retiro di e organizacion di Miss Universo, Miss Universe Organization (MOU).

E Cubano-Venezolano a confirma su retiro den un carta habri comparti cu su colega nan den e industria y fanaticonan, splicando cu su renuncia ta marca "e fin di un ciclo" na luga di un conflicto.

"Despues di a cumpli mi mision na Miss Universe, mi a dicidi di renuncia for di mi posicion como consehero di e organizacion," Sousa a skirbi. "Esaki no tabata un decision cu mi a tuma facilmente, pero uno cu mi a sinti ta necesario despues di reflexiona tocante tur loke mi a logra y kico mi kier pa e futuro."

Sousa, di 78 aña, a bisa cu e decision ta profundamente personal. Despues di a biba den exterior pa e ultimo varios luna, el a comparti cu e distancia fisico y emocional for di Venezuela, e pais cu el a converti den un poder global den e mundo di beyesa, ta carga un peso pisa riba dje.

"Bibando completamente mi so, leu di mi Venezuela, a pone mi pensa profundamente," el a conta. "Na e etapa aki di mi vida, mi mester ta rondona di mi sernan keri, esnan cu a sostene mi y comprende mi den temponan bon y temponan malo. Esey ta e motibo dicon mi a tuma e decision di regresa mi cas."



Pa varios decada, Osmel Sousa tabata sinonimo di beyesa, disciplina y exito riba escenario internacional. Como presidente di Miss Venezuela Organization for di 1981 pa 2018, el a revolucionar e arte di prepara reinanan di beyesa, perfecciona cada detaye for di expresion te postura, y a crea un reputacion como un di e directornan di certamen di beyesa mas exigente y exitoso den mundo.

Bao su mando, Venezuela a

gana 7 titulo di Miss Universo, 6 corona di Miss Mundo y 8 victoria den Miss International, cementando su status como un "fabrica di reina." Sousa su vision pa talento y persecucion incansable di excelencia a crea icono global di hobennan yen di speransa, incluyendo Dayana Mendoza, Stefania Fernandez y Alicia Machado.

Despues el a trece su experticio na Nuestra Belleza Latina riba Univision, cu e funcion

di hues y mentor for di 2007 pa 2016, yudando duna forma na e siguiente generacion di talento Latino. Den añan reciente, Sousa a uni e organizacion di Miss Universe como un consehero internacional, extendiendo su influencia mas leu cu Venezuela.

Den su declaracion, Sousa tabata directo cu su renuncia ta amigable. "Mi salida for di e organizacion no ta marca pa ningun tipo di conflicto. E ta simplemente e fin di un ciclo

cu ya caba a ser completa," el a skirbi, expresando su gratitud na partner di negoshi Raul Rocha y Paulina pa nan sosten y comprension.

"Mi ta inmensamente gradici pa tur loke mi a siña y e trabao den ekipo, dedicacion y pasion cu tur hende ta inverti den e certamen aki. Na tur esnan cu a forma parti di e experiencia aki, danki for di lo mas profundo di mi curason pa e respet, afecto y sosten."

Tambe el a duna impresion cu esaki no ta marca e fin di su carera, skirbiendo cu "awo mas cu nunca, tin hopi Osmel ainda," sugeriendo cu aventuranan nobo ta den horizonte.

Osmel Sousa su legado ta extende mas cu su logronan cu ta kibra record. El a transforma certamen di beyesa y converti esaki den un fenomeno nacional na Venezuela, inspirando generacionnan di hende muhe y convirtiendo e persecucion di un corona den un caminda di empoderamento y disciplina. Mientras cu su metodonan perfeccionista y personalidad directo algun biaha a habri caminda pa controversia, Sousa su impacto riba Latino America su cultura ta algo cu no por nenga.

Mientras e ta regresa Venezuela, Sousa ta bisa cu e ta carga cune lesnan valioso y recuerdonan. "E experiencia aki a laga mi cu conocimiento valioso cu mi lo carga pa semper," el a skirbi. "Mi ta desea tur hende bendicion y exito den tur loke nan haci. Mi afecto y gratitud ta eterno."

Participantenan di Miss Universe ta sali for di evento di e concurso despues di organisador su discusion cu Miss Mexico



(People) - Varios participante di Miss Universo a lanta y sali durante un evento prome cu e concurso despues di un confrontacion cu a keda graba den livestream via Facebook diamars.

Den e video, e reinanan di beyesa representando paisnan rond di mundo tabata sinta den varios rij dilanti ehecutivo di e concurso Nawat Itsaragrisil. Papiando directamente den microfon, el a bisa cu tabata spera cu tur di nan “lo promove e pais anfitrión.”

“Tene cuidao. Bo ta na Tailandia. Bo ta den un wega,” el a adverti. Itsaragrisil despues a señala Miss Mexico Fatima Bosch pa supuestamente nenga participa den un photo shoot cu tabata pa e participantenan comparti riba rednan social. El a acusa cu Bosch no tabata haciendo publicacionnan bao orden di Mexico su director di e certamen.

Lantando for di su asiento den e audiencia, el a nenga cu esaki ta e caso y a purba splica su banda. Itsaragrisil a interumpi y exigí un confirmacion verbal cu e ta dispuesto haci publicacionnan tocante

Tailandia.

Ora cu otro participante a pidi Itsaragrisil pa ripiti su pregunta, el a nenga y bisa cu e ta solamente puntrando Miss Mexico pa motibo cu el a ricibi un “reportahe” despues di su accionnan. A pesar di Bosch su negacion, el a reitera su acusacion cu ta actuando den interes di su pais su director di concurso, yamando e “kens.”

Ora cu el a puntra dicen e ta para ainda, Bosch a bisa “paso mi tin un bos,” agregando “bo no ta respetando mi como un muhe.”

El a yama seguridad y e grupo di participante inmediatamente a reacciona, protestando contra esaki. Mientras cu Bosch tabata saliendo for di e auditorio, el a bisa Itsaragrisil, “como hende muhe, bo mester demostra respet pa nos. Mi ta aki representando un pais, y e no ta mi culpa cu bo tin problema cu mi organizacion.”

Otro participantenan di e certamen a para y a sigui Bosch, manera por mira den e livestream. “Si algun di boso kier sigui den e certamen, sinta,” Itsaragrisil a bisa e muhenan mientras nan ta-

bata wak rond cu confusion.

Ni Miss Universe Organization ni Fatima Bosch a responde inmediatamente na People su peticion pa comentario. Mas adelante durante e dia, e certamen internacional a haci un publicacion riba Instagram. E certamen a declara su dedicacion na “mantene e standard mas halto di respet, seguridad y integridad pa tur participante, empleado y stakeholder.”

“Un delegacion di nivel halto, lidera pa Chief Executive Officer, Mr. Mario Bucaro, ta biahando pa Tailandia pa fortalece colaboracion cu e



pais anfitrión, Miss Grand International Organization (MGI), y autoridadnan relevante,” e declaracion a sigui detaya. “E mision aki tin meta di coordina esfuersonan, garantiza un ambiente sigur y profesional pa tur delegado y reafirma MUO su compromiso na transparencia, respet y unidad.”

E publicacion a confirma cu “tur evento y actividad den e schedule” lo sigui manera tabata e plan, “den cooperacion completo cu e pais anfitrión y MGI, reafirmando nos meta

comparti di trece un celebracion global excepcional cu ta refleja e balor di diversidad, empoderamento y inclusion cu ta defini nos como e legado di Miss Universe.”

E publicacion a conclui bisando, “Miss Universe Organization ta keda riba su mision den promove colaboracion, respet y oportunidad pa hende muhe rond di mundo, trahando duro man den man cu tur partner pa garantiza un experiencia memorable, safe y inspirador pa tur delegado.”



START YOUR DAY IN PARADISE

20% off for locals*

laguna

OPEN DAILY 7 – 11 AM

For reservations +297-526-6612

Extensive Buffet
Air-Conditioned Dining
Your Favorite Breakfast Classics
Wake-Up Cocktails
Outdoor Terrace Dining
A La Carte Breakfast Specialties

Hilton
ARUBA CARIBBEAN
RESORT & CASINO

*Offer is valid for local residents with a local ID. Limited to a maximum of 30 persons. Bottles are not included in this offer.

Atleta Olimpico Mikel Schreuders den preparacion pa aña 2026

Recien a reuni cu atleta Olimpico Mikel Schreuders na cas di Comité Olimpico Arubano (COA). Durante e reunion a combersa tocante su entrenamiento cu ta tuma luga na Arizona-Merca cu un ekipo profesional y kico ta e planificacion pa aña 2026.

Manera ta conoci, proximo aña ta conta cu 4 Weganan di e Ciclo Olimpico riba programa pa COA, den cual Mikel lo participa den “Juegos Centroamericanos y del Caribe Santo Domingo 2026” y “Juegos Suramericanos de 2026”. E Weganan aki



lo ta e inicio di su proceso pa logra un clasificacion pa no solamente “Juegos Panamericanos Lima 2027” si no tambe

Weganan Olimpico LA2028. Aki Mikel lo intenta di clasifica pa su di 4 participacion na un Weganan Olimpico.



COA ta contento di a por a reuni un rato cu Mikel, pa asina por intercambia informacion importante y alabes

haya scucha e proceso cu e ta canando y con COA por asisti cu esaki pa asina percura un preparacion optimal.

Little league Aruba seleccion U8 ta rumbo pa Punta Cana, Santo Domingo

Diaranson, november 5, 2025 nos peloteronan di Little league Aruba seleccion U8 a sali rumbo pa Punta Cana pa representa Aruba den e competencia internacional “Big Boys 2025” na Punta Cana.

Aruba lo ser representa pa 14 pelotero den e categoria U8 Little League Aruba. E seleccion ta consisti di diferente equipo di Central League incluso peloteronan di RedMachine, Sabana Grandi Jets y Stars Aruba, tambe peloteronan cu tawata forma parti di Rockets anteriormente pero actualmente ta forma parti di equipo Grasshoppers, y sin

laga afor dos pelotero di e equipo di Brazil Hawks.

Despues di un campeonato di Little League bastante fuerte, unda cu hopi di e peloteronan a bataya contra otro, awe ta subi vuelo hunto cu un solo meta, pa representa Aruba den grandi.

E team di Aruba ta consisti di Aiden Tromp, Yermaine Croes, Aiden Rodriquez, Clint Westerburger, Xyfer Stamper, Brayden Briesen, Axl Wester, Kai Wever, Samuel Arias, Eduard Flanegin, Zhaér Thompson, Siegmar Schwengle, Elijah Browne y Dayson Dreischor.

E equipo aki ta ser maneha door di Manager Eddy Flanegin (Sabana Grandi Jets) cu sosten Coach Marwin Briesen (RedMachine), Arsan Wester (Sabana Grandi Jets), Jair Thompson (RedMachine) y Ciriac Tromp (Grasshoppers).

Den number di peloteronan, ta manda un gradicimento na pueblo di Aruba cu a sostene e equipo aki den gran forma. Lo por sigui e pagina nan social di e equipo pa asina keda informa na pagina di Facebook: Aruba Little League U8 Seleccion Team 2025.



Ex top 100 tenista lo sirbi cuatro aña den prison pa abuso sexual di studiantenan

(NLTimes)—E Corte Distrital na Amsterdam a sentencia entrenador di tennis Dennis van Scheppingen (50) pa tres aña y mey den prison, incluyendo dies luna di suspension condicional, pa sexualmente abusa dos di su studiantenan. Tambe el a ser prohibi di ta entrenador pa ocho aña. E victimanan, kende ta ruman di otro, a bin dilanti despues cu un di nan a entrega un keho na 2022, causando polis pa tuma contacto cu e otro. Van Scheppingen a ser condena pa abuso sexual di menos y asalto sexual.

Van Scheppingen, un ex-tenista profesional, tabata antes den e top 100 di ranking mundial. E victimanan ta ruman di otro. Na 2009, esun mayo a muda cerca van Scheppingen y su famia pa aleha di problemanan na cas. fiscalnan ta bisa cu van Scheppingen a prohibie di cualkier contacto cu

mundo pafu y a abusa di dje repetidamente durante entrenamiento y durante competencianan afo.

Algun aña despues, van Scheppingen tambe a entrena e mucha su ruman homber, ken ta dies aña mas jong cune. E ex-atleta a abusa sexualmente di e mucha mientras e tabata menor di edad ainda. E ruman mas jong a reporta e abuso na polis na 2021, cual a causa investigadornan pa tuma contacto cu e prome victima. A aresta van Scheppingen na 2022 pero a lag’e bay despues mientras e tabata wardando procesamiento. Ambos victima ta tenistanan exitoso.

“Corte ta condena bo pa explota bo rol como entrenador di tennis. E victimanan a admira bo pa via di bo pasado profesional,” hues a bisa van Scheppingen. Corte a nota cu e victimanan tabata dependiente riba van Scheppingen, ken a abusa di esaki pa

logra su mesun deseonan sexual. “E victimanan tabatin miedo cu si nan nenga su intentonan, esaki por severamente afecta nan carera profesional y e sosten financiero pa nan,” corte a bisa.

E federacion di tennis Hulandes, KNLTB, a emiti un medida disciplinario contra van Scheppingen, preveniendo e, entre otro, di drenta den e facilidadnan bao encargo di e federacion. E acusado a confesa parcialmente na e cargonan, admitiendo e actonan sexual cu e ruman mayor pero a insisti cu esaki tabata consensual. Fiscal a recomenda un termino di cuatro aña den prison, incluyendo seis luna di suspension condicional.

Un rato despues di muda cerca e pareha, e victima mayor a drenta den un relacion romantico cu van Scheppingen su casa e tempo ey. Van Scheppingen a yama e situacion “complica,”

bisando cu el a deal cu esey por medio di dedica hopi mas tempo den su trabao. “Nan tabata completamente enamora,” el a bisa den un audiencia na corte. Tambe el a bisa cu su casa no tabata consciente cu e tabatin un relacion sexual cu su estudiante. E victima a biba cu e pareha te 2018.



Yiu homber di Tiger Woods ta un All-American

Charlie Woods honra pa American Junior Golf Association

(AP)—Charlie Woods, e yiu homber di e 15-biaha campeón mayor Tiger Woods, a logra un gran honor similar cu su tata. El a ser selecciona den e prome equipo All-American anuncia diaranson pa e American Junior Golf Association (AJGA).

Woods, un estudiante di The Benjamin School na Florida, tabata entre 12 mucha homber cu AJGA a nombra den su prome equipo anual. Miles Russell, un mucha

homber di 17 aña cu tabata suplente den e Walker Cup e zomer aki, a ser nombra golfista di aña pa segundo bes.

Charlie Woods a gana su prome titulo grandi na Team TaylorMade Invitational na mei. Su tata, Tiger Woods, tabata golfista di aña di AJGA na 1991 y 1992.

E segundo equipo a inclui Mason Howell, ken a gana e U.S. Amateur y a hunga den Walker Cup, y Cameron Kuchar, yiu di Matt Kuchar,

ken ta plania pa bay studia na TCU.

Den e division di mucha muher, Aphrodite Deng, un Canades cu ta biba na New Jersey, a ser nombra golfista di aña. Deng a gana e U.S. Girls Junior e aña aki, hunto cu dos torneo grandi di AJGA.

E equiponan a ser determina exclusivamente segun e ranking di Rolex AJGA te dia 14 di october.



FIFA ta anuncia un premio di paz nobo cu lo ser entrega durante sorteo di Copa Mundial na Washington

(AP)—FIFA a anuncia e creacion di un premio di paz nobo, cual lo ser entrega durante e sorteo di Copa Mundial dia 5 di december na Washington.

E premio, yama Premio di Paz di FIFA, lo “reconoce accionnan excepcional pa promove paz,” segun e organizacion internacional di futbol a comunica diaranson.

“Den un mundo cu ta cada bes mas dividi y instabil, ta fundamental pa reconoce e



contribucion sobresaliente di esnan cu ta traha duro pa para conflicto y uni pueblo den un spirito di paz,” e presidente di FIFA, Gianni Infantino, a bisa.

FIFA a agrega cu e premio, cual Infantino mes lo entrega e aña aki, lo ser otorga anualmente “den nomber di e fanaticonan for di tur parti di mundo.”

Presidente Donald Trump, ken tin un relacion estrecho cu Infantino, no a ser eligi pa e Premio Nobel di Paz

luna pasa, a pesar di lobby di su compañero Republicanonan, varios lider mundial y su mes. Infantino y Trump tabata programa pa papia diaranson na Miami durante un evento no relaciona.

Recientemente, FIFA a agrega un otro conexcion cu Trump door di nombra su yiu muher, Ivanka Trump, na e directiva di un proyecto educacional di \$100 milyon, parcialmente financia cu benta di ticketnan pa Copa Mundial 2026.

Max Dowman di Arsenal ta bira e futbolista mas hoben den historia di Champions League

(AP)—E hungador di Arsenal, Max Dowman, a bira e hungador mas hoben den historia di Champions League ora cu, na edad di 15 aña y 308 dia, el a drenta como substituto den w segunda mita contra Slavia Prague diamars.

Dowman ta e prome futbolista di 15 aña cu a hunga den e competencia di clubnan mas grandi di Europa. E record anterior tabata di Youssoufa Moukoko, un delantero di Borussia Dortmund, ken a hunga 18 dia despues di su 16 cumpleaños den 2020.

E logro mas recien di Dowman a yega apenas algun siman despues cu el a bira e segundo futbolista mas hoben—despues di su compañero di Arsenal Ethan Nwaneri—pa hunga den Premier League, despues di su debut contra Leeds den augustus, tambe como sub-

stituto den e segunda mita.

Ainda un estudiante, Dowman tambe a drenta como substituto contra e campeón di defensa Liverpool den liga e aña aki, y a hunga den dos partido di English League Cup.

Arsenal tabata gana 3-0 ora cu Dowman a drenta pa reemplaza Leandro Trossard den e 72 minuut contra Slavia. No a mira mas gol drenta despues di esaki.

Tocante Dowman

Dowman ta un mediocampista ofensivo cu a nace na Chelmsford, un ciudad den provincia di Essex, na zuidwest di Londres. El a drenta Arsenal na edad di 5 aña, na mei 2015.

El a haci su debut pa e equipo sub-18 cu 13 aña, y a bira e futbolista mas hoben cu a anota gol den UEFA Youth League na edad di 14 aña, ora



cu e tabata hunga pa e sub-19.

Dowman ainda tabatin 14 aña ora cu e entrenador di Arsenal, Mikel Arteta, a invit’e pa entrena cu e equipo grandi december pasa. El a destaca durante e gira di pretemporada na Asia, den partidonan contra AC Milan y Newcastle.

Pa cumpli cu regulacionnan di Premier League pa futbolistanan menor di 18 aña, Dowman tin cu cambia su uniform pa entrenamiento y partido den un locker room separa for di esnan di e equi-



po grandi.

Recientemente el a bolbe scol na Essex despues di zomervakantie.

E record anterior

Moukoko a bira e futbolista mas hoben den historia di Champions League durante un partido di grupo contra Zenit St. Petersburg den december 2020.

El a tuma e record cu ta-

bata den man di Céléstine Babayaro, ken tabatin 16 aña y 86 dia ora cu e defensa Nigeriano a hunga pa Anderlecht contra Steaua Bucharest na november 1994. Babayaro a ser expulsado den prome mita di e partido.

Desde e debut di Moukoko, Lamine Yamal a hunga pa Barcelona cu 16 aña y 68 dia contra Antwerp na september 2023, cual a pon’e na number dos riba lista e tempo ey.

Francia ta move pa suspende acceso na plataforma online Shein mientras e compania ta habri su prome tienda na Paris

(AP) — E gobierno di Francia a bisa diaranson cu a cuminsa un procedemento pa suspende acceso na e plataforma online di Shein te ora e compania por prueba cu su contenido ta conforme cu ley Frances, despues di un controversia unda a descubri popchi di uso sexual cu caracteristicanan similar na mucha riba e website di e gigante di ‘fast-fashion’.

E decision, anuncia den un declaracion cortico di e ministerio di Finanzas, a bin riba e mesun dia cu Shein a habri su prome tienda permanente na Paris den un di e tiendan-an di departamento mas iconico di e ciudad.

E apertura a trece multitud di cliente y tambe manifestantenan na BHV Marais, incluyendo un grupo chikito di manifestante cu a haci protesta anti-Shein y a interumpi momentaneamente e dia di apertura prome cu security guard a saca nan.

E ministerio no a bisa si su decision lo impacta e tienda fisico, of no a elabora riba e motibonan pa su decision. El a bisa solamente cu un prome rapport di progreso lo ser duna dentro di e siguiente 48 ora.

Den respuesta, Shein a priminti pa traha cu autoridadnan Frances pa “atende cualkier preocupacion rapidamente manera nos semper a haci y nos ta buscando dialogo cu autoridadnan y organonan di gobierno riba e asunto aki.” Autoridadnan Frances tin poder legal pa ordena plataforma online pa kita contenido claramente ilegal manera pornografia di mucha dentro di 24 ora. Si nan no cumpli, autoridadnan por rekeri proveedornan di servicio di internet y motor di buskeda pa blokea acceso y kita e website for di lista.

Acceso na, y pedido for di e version Frances di e website di Shein tabata posibel ainda diaranson despues di e anuncio di gobierno.

Frederic Merlin, presidente di Societe des Grands Magasins, doño di BHV, a aplaudi e movimiento di gobierno, agregando cu Shein ya a kies pa suspende su mercado. “Mi ta satisfecho cu e decision aki y mi ta spera cu, na final, nos



lo por stop di bende produccionan ilicito riba e mercadonan aki,” Merlin a bisa.

Apertura di tienda ta trece cliente y manifestante

Hasta prome cu e critica riba e popchi di sexo, e decision di Shein pa lansa su prome tienda fisico den e capital di moda di Francia a enfrente critica for di gruponan ambiental, Heng di Stad di Paris, y e industria di moda ‘ready-to-wear’ di Francia.

E gigante di moda rapido a atrae critica pa hopi tempo pa via di su creditonan ambiental abao y practicanan di trabao.

Shein a bisa mas tempran cu a prohibi tur producto di popchi di sex, y a kita temporalmente su categoria di produccionan adulto pa revision. E compania tambe a anuncia cu lo suspende temporal-

mente listanan di benedornan independiente di tercer parti den su mercado, y a lansa un investigacion pa determina con e listing di popchi a scapa su medidanan di screening.

Un peticion online oponiendo e apertura na Paris a pasa 120.000 firma, y varios decenas di manifestante a campa patras di e tienda di BHV diaranson mainta. Pero multitud di cliente a presenta.

Ticia Ones, un cliente regular online di Shein cu ta biba na Paris, a bisa cu e motibo principal cu el a bishita e tienda tabata e oportunidad pa mira articulonnan den persona prome cu cumpra. “Nos por mira loke nos pidi, inspecciona e articulonnan; e ta un cos bon,” el a bisa, agregando cu e prijsnan abao di e marca tabata un atraccion fuerte a pesar di e controversia. “Mi no lo comenta riba e calidad,

pero e prijsnan ta definitivamente atractivo.”

E Societe des Grands Magasins (SGM) a yama e benta di e popchinan inaceptabel, pero mas tempran a gaba Shein pa su respuesta rapido pa calma e controversia.

BHV tabatin dificultad financiero den añanan reciente y SGM ta kere cu e yegada di Shein lo yuda reanima e negoshi—aunke algun marca a kies di sali for di e tienda den protesta.

“Nos ta orguyoso di tin un socio cu a declara firmemente,” Karl-Stephane Cottendin a bisa, ken ta e director operacional di SGM. “Nos ta masha contento pa ta habri e tienda aki.”

Preocupacionnan ambiental y etico

Funda na China na 2012 y awor basa na Singapur, Shein a surgi rapidamente pa bira

un gigante global di fast-fashion. Bendiendo principalmente paña y productonan fabrica na China na prijsnan abao, e empresa a atrae critica pa via di alegacionnan cu su cadena di provision por ta contamina cu trabao forsa, incluyendo for di e provincia Xinjiang na China, unda gruponan di derecho ta bisa cu abuso serio di derecho humano a ser cometi pa Beijing contra miembronan di e grupo etnico Uyghur y otro minorianan Musulman.

Cottendin no a considera e preocupacionnan ey y a gaba Shein pa haci un “trabao tremendo” pa mehora su practicanan. “Awor e ta un marca cu ta produci bao di condicionnan mas legitimo,” el a bisa. “Nos a sigura cu e cadena di produccion completo, for di fabricacion te entrega, ta cumpli estrictamente cu reglamento y standardnan Frances y Europeo.”

Fast fashion, caracteriza pa un rotacion constante di coleccion y prijsnan hopi abao, a inunda mercadonan Europeo cu articulonnan di mal calidad, impulsando gastonan ambiental, social y economico. Nacionnan Uni a adverti cu e industria di textil so ta responsabel pa casi 10% di emision global di gas di invernadero y ta contribui na malgasto di awa.

Francia awor ta moviendo pa restringi e influencia creciente di companianan basa den paisnan di zuidoost Asia manera Shein, Temu, of AliExpress. Un ley ta enfoca fast-fashion cu medidanan manera campaña di consciencia di consumidor, prohibicion di publicidad, impuesto riba paketenan chikito importa, y reglanan mas estricto di maneho di desecho. E Senado a adopta e proposicion mas tempran den aña, y gobierno a notifica e Comision Europeo prome cu un reunion conhunto di comite pa finalisa e texto.

“Ta un dia scur pa nos industria,” Thibaut Ledunois, director di empresa y innovacion na e federacion Frances di moda ‘ready-to-wear’ pa hende muher, a bisa na The Associated Press. “Shein ta desaroyando un bista bunita den nos pais, hustificando tur e negoshi malo, y tristo y horibel cu nan ta desaroyando rond mundo.”

A haya Boa den motor di auto na Jaburibari

Diamars mainta a drenta informe di cu tin un Boa den e motor di un auto na Jaburibari, mesora a desplega bombero y polis pa yuda

Na nan yegada na prome instante no a haya esaki pero despues di a sigui busca a bin logra haya e reptil tras di e luz banda drechi. Aki e bomberonan a tuma e curashi pa los e luznan unda e Boa tabata scondi y a saca esaki afo.



Accidente di cadena na Santa Cruz a resulta den hende herida


Diamars atardi a drenta informe di un accidente cu hende herida na Santa Cruz, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente di cadena unda e chauffeur di un Honda City a bay dal tras di un auto y consecutivamente e auto ey a bay dal tras di un Ford Edge. Debi na e impacto un persona di edad a resulta



herida. Na yegada di e ambulance nan a atende e victima na e sitio mes.

Accidente ora un auto a bay cambia di "lane" riba rotonde



Dialuna atardi a drenta informe di un accidente na e rotonde banda di L.G. Smith Blvd., mesora a dirigi un patruya na e sitio.

Na yegada di e patruya a bin compronde cu aki ta trata di

chauffeur turista di un auto di huur cual tabata den e "inner lane" y a bay crusa pa e "outer lane" pero no a ripara cu tabatin un Haval caba riba e lane ey y a bay dal e den banda. Afortunadamente ningun hende a resulta herida.

Accidente semi-frontal cu hende herida causa pa vehiculo mal staciona



Diamars mainta a drenta informe di un accidente cu hende herida na Tanki Flip, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un Mazda Demio a bay tuma e birada mucho na man robes y debi na vehiculo mal staciona a hala demasiado na man robes

y a bay dal semi-frontal riba un Kia Picanto. Den e Kia Picanto tabatin un persona di edad cu a resulta levemente herida. Na yegada di e ambulance el a ser atendi na e sitio mes.

Entrada hudicial cu detencion y auto cu pertenencianan confiscana Laurens Costerstraat



Diamars mainta un team di polis hunto cu ministerio publico a bay na un cas na Laurens Costerstraat pa un entrada hudicial; esaki en conexion cu un investigacion di droga cual tin algun tempo ta andando.

Nan a bini prepara pa detene un sospechoso y bay cu su auto for di e sitio. Aki ta trata di un caso grandi di droga unda un boto local a ser usa. Te ainda no por divulga e identidad di e persona. Na e cas a bay cu droga y atributonnan usa pa traficacion y benta di droga.

Fiscalnan na Asia ta confisca yate, auto di luho y placa di un homber acusa di maneha estafa cibernetico

(AP) — Fiscalnan na Taiwan, Hong Kong y Singapur a confisca shen miyones di dollar den bienes perteneciendo na un empresario di Cambodia cu Merca ta acusa di dirigi un sindicato global di estafa.

Esaki ta e ultimo den un serie di investigacion y confiscacion di bienes cu a cuminsa ora fiscalnan Mericano a acusa Chen Zhi, e fundador di Prince Holding Group di Cambodia, di maneha un red di estafa cibernetico riba gran escala unda su operacionnan ta abarca paisnan incluyendo Merca, Gran Britania y Palau.

Autoridadnan di Merca a acusa Chen di conspiracion di fraude electronico y conspiracion di labamento di placa den un acusacion emiti dia 14 di october, hunto cu un confiscacion masivo di bienes di criptomoneda cu ta inclui aproximadamente \$14 biyon den bitcoin. E gobierno di Merca y Gran Britania



tambe a anuncia sancionnan conhunto contra Chen y su colaboradornan, y tambe su compania. Rednan di estafador basa na Cambodia, Laos, Myanmar y Filipinas a provoca preocupacion creciente den añanan reciente, cu Nacionnan Uni calculando cu nan ta gana dies biyones di dollar tur aña

for di victimanan rond mundo via schemanan cu ta varia for di inversionnan falso te na estafa basa den relacion amoroso.

Nan ta alega cu e red criminal di Prince Holding Group a estafa 250 victima na Merca, segun e acusacion. Prince Holding Group no a

responde inmediatamente na un peticion pa comentario. Un lista creciente di confiscacionnan di bienes ta muestra un homber cu shen miyones di dollar den balor di bienes apareciendo den varios hurisdiccion. Desde maart, fiscalnan di Taiwan a confisca bienes for di Chen Zhi cu ta balora te na

\$150 miyon mientras a aresta 25 sospechoso. Esaki a inclui 26 auto di luho incluyendo un Ferrari, Bugatti y un Porsche, y tambe 11 apartamento den un edificio exclusivo na Taipei, fiscalnan a bisa.

Riba mesun dia na Hong Kong, polis a anuncia e confiscacion di \$353 miyon balor di bienes consistiendo gran parti di cash, accion y otro fondo, cual medionan local a identifica como perteneciendo na Chen Zhi.

Autoridadnan di Gran Britania a anuncia e confiscacion di un mansion di \$15,6 miyon na North London y un edificio di oficina di \$130 miyon dia 14 di october.

Sinembargo, fiscalnan ta bisa cu gran parti di su rikesa a bin for di estafa. Segun e acusacion di Merca, Chen a declara orguyosamente un biaha cu e asina yama estafa “matansa di porco” tabata gana \$30 miyon pa dia.

Putin ta manda oficialnan entrega plannan pa posiblemente resumi test nuclear

(AP) — Presidente di Rusia Vladimir Putin a duna orden na oficialnan diamars pa entrega proposicionnan pa un posibel resumen di test nuclear den respuesta na e declaracionnan di presidente Donald Trump siman pasa cu ta parece di a sugeri cu Merca lo cuminsa cu su propio test atomico atrobe.

Papiando na un reunion cu su Consejo di Seguridad, Putin a reafirma su declaracion anterior cu Moscu lo solamente resumi su test nuclear si Merca hacie prome. Pero el a dirigi e ministerionan di Defensa y Asunto Exterior y otro agencianan di gobierno pa analisa e intencionnan di Washington y traha proposicionnan pa resumi test di arma nuclear.

Riba 30 di october, Trump a parece di a señala cu Merca lo resumi test di arma nuclear pa prome biaha den tres decada, bisando cu e lo ta riba un “base igual” cu Rusia y China.

Pero Secretario di Energia di Merca Chris Wright a bisa diadomingo cu test nobo di



e sistema di arma nuclear di Merca pidi pa Trump no lo inclui explosion nuclear.

Putin a firma na 2023 un proyecto di ley revocando e ratificacion di Rusia di un prohibicion global di test nuclear, cual Moscu a bisa tabata necesario pa pon’e riba e mesun nivel cu Merca. E prohibicion global di test a ser firma door di presidente Bill Clinton pero nunca a ser ratifica pa e Senado di Merca.

Durante e reunion di Consejo di Seguridad diamars, minister di Defensa Andrei Belousov a reporta na Putin tocante esfuersonan di Merca pa modernisa su arsenal atomico, argumentando cu hunto cu un posibel resumen di test nuclear pa Washington nan “a aumenta significamente e nivel di menasa militar pa Rusia.”

Belousov a sugeri pa Moscu cuminsa inmediatamente cu preparacionnan pa test nucle-

ar riba e archipelago Artico Novaya Zemlya. El a agrega cu e sitio, unda e Union Sovietico a haci su ultimo test di un arma nuclear na 1990, tabata cla pa rapidamente resumi e explosionnan.

Gen. Valery Gerasimov, e hefe di Estado Mayor di e ehercito, tambe a duna su apoyo pa rapidamente cuminsa preparacionnan pa test. “Si nos no tuma medidanan apropiada awor, nos lo perde

tempo y e oportunidad pa responde rapidamente na e accionnan di Merca, ya cu ta tuma varios luna te varios aña pa prepara pa test nuclear, dependiendo di nan tipo,” Gerasimov a bisa.

Despues di a tende di lidernan militar y otro oficialnan superior, kende a nota e señalnan di Washington cu por ta preocupante si Merca lo resumi cu explosion nuclear, Putin a ordena agencianan di gobierno pa “colecta informacion adicional tocante e asunto, analisa den e marco di e Consejo di Seguridad y entrega proposicionnan coordina tocante e posibel resumen di trabao riba preparacionnan pa test di arma nuclear.”

E vocero di Kremlin Dmitry Peskov a enfatisa cu Putin no a ordena un comienso di preparacionnan pa test nuclear y pa awor solamente a bisa oficialnan pa analisa si ta necesario pa cuminsa tal trabao. El a bisa den comentarionan transmiti pa e agencia di noticia estatal Tass cu Moscu mester compronde completamente e intencionnan di Merca prome cu tuma decisionnan adicional.

Resultado Sorteo 5 november 2025		Cadena Alexander Lottery ta presenta resultado di weganan di suerte									
DIARIO 2386 6353 5862		KORSOU 9740 4107 0701		SUPER4 2800 SUPER5 -		FLAMINGO 0677 4300 4134					
MERDIA		ANOCHI									
CATACHI Sorteo # 4794 8584 5493 5984 MULTI-X FP BIG 4 Sorteo # 4794 8130 MULTI-X X3 1OFF Sorteo # 2850 0195 ZODIAC Sorteo # 4794 4887 Virgo LUCKY 3 Sorteo # 1668 336 MULTI-X X2		CATACHI Sorteo # 8693 3459 5312 4786 MULTI-X X2 BIG 4 Sorteo # 7737 1297 MULTI-X FP 1OFF Sorteo # 2442 1714 ZODIAC Sorteo # 6496 4525 Piscis LUCKY 3 Sorteo # 1426 036 MULTI-X FP		LOTTO 5 Sorteo # 2642 0 x Jackpot 0 x Match 4+ 3 x Match 4 212 x Afl. 12,00		01-02-26-27-33 Joker 22 Letter C Proximo Jackpot 250.000,-		LOTTO DI DIA Sorteo # 7000 0 x Jackpot 11 x Match 4 174 x Afl 8,00		05-09-10-13-20 Proximo Jackpot 54.000,-	
		MEGA Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00		Mega Ball Proximo Jackpot 425.000,-		MEGA MEGA REUS Afl. 585.000,-					
		KORSOU Sorteo #									



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel.297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Eagle : Centro Medico:
Tel. 587 9011 Tel. 584 5794

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

**Aruba Transfer Tour &
Taxi C.A.**

Tel: 582 2116 /582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Hapon ta desplega ehercito pa atende un aumento den atake di beer



(AP) - Hapon a desplega tropa diaranson pa yuda contene un aumento den atake di beer cu a terrorista residentenan den un region di montana den Akita.

Reportahe di encuentro cu algun biaha tabata mortal entre beer ruin y beer Asiatico ta reporta casi diariamente prome cu e temporada di hibernacion, cu e beernan buscando cuminda. Nan a ser mira cerca di scolnan, stacion di trein, supermercado y te hasta na un resort.

Desde april, mas di 100 persona a keda herida y por lo menos 12 asesina den atake cu beer rond di Hapon, segun Environment Ministry Statistics na fin di october.

E poblacion creciente di beer su entrada na areanan residencial ta tumando luga den un region cu un poblacion di ser humano cu ta birando mas grandi y poco rapidamente, cu menos persona ricibiendo training pa caza e bestia.

E gobierno a calcula e poblacion general di beer na mas di 54.000.

E ministerio di Defensa y Akita a firma un acuerdo diaranson pa desplega soldadnan cu lo pone trampa cu cuminda, transporta e casadornan local y yuda deshaci di e beernan morto. Oficialnan a bisa cu e soldadnan no lo haci uso di arma di candela pa mata e beernan. "Tur dia, e beernan ta drenta areanan residencial den e region y nan impacto ta birando mas fuerte," Secretario di Gabinete Fumitoshi Sato a bisa reporteronan. "Atende e problema di beer ta algo urgente."

E operacion a cuminsa den un area na Kazuno City, unda un cantidad di beer mira y heridanan a keda reporta. Soldadnan cu helmet blanco y vest a prueba di bala cu spray di beer y net a crea un trampa pa e beernan.

Takahiro Ikeda, un operador di loke ta yama Orchard, a bisa cu e beernan a come mas di 200 di su appel cu tabata cla pa cultiva. "Mi curason ta kibra," el a conta NHK Television.

Gobernador di Akita, Kenta Suzuki a bisa autoridadnan local ta "desesperando" a causa di un falta den personal.

Minister di Defensa Shinjiro Koizumi a bisa diamars cu e mision aki tin e meta di yuda proteha pueblo su bida diario, pero cu e ambtenaarnan su mision primario ta defensa

Pronostico di tempo



Tempo:

Awe tardi y awe nochi: parcialmente nubia y generalmente seco
Den marduga y mañan: parcialmente nubia cu un awasero local

Temperatura maximo 32 grado Celsius

Temperatura minimo 27 grado Celsius

Indice di calor (heat index) den y rond di oranan di merdia: 33 pa 40 grado Celsius
Uv index: 8

Bahada di solo : 6:12pm
Subida di solo : 6:34am

Biento:

Moderar for di direccionnan generalmente oost; forsa 3 te 4 (12 te 30km/ora, 7 te 16 nudo).
Durante di dia basta fuerte te posiblemente fuerte den rafaga; forsa 5 te 6 (31 te 50km/ora, 17 te 27 nudo)

Situacion general di tempo:

Un disturbio den nivelnan mediano y mas halto ta move poco poco west y lo causa un aumento di humedad den region. Esaki lo bay induci algun nubia cu lo produci algun awasero local durante e periodo di pronostico aki.

Condicionnan maritimo/estado di lama:

Na partinan protege di costa: keto cu olanan rond di 1 pia.
Na partinan zuid: trankil cu olanan di 1 te 2 pia.
Na partinan oost te noord-west di costa: modera cu olanan alrededor di 3 pa 4 pia.

nacional y nan no por provee sosten ilimita na e situacion cu e beernan. E forsa di defensa propio Hapones ya caba tin falta di personal.

E ministerio no a ricibi petition di otro areanan pa asistencia di e tropanan den e situacion cu e beernan, el a bisa.



OLIVE TREE
FUNERAL CARE & CREMATORY

*“Mi no a muri. Ta p’esey mi no a bisa ayo.
Mi a djis habri mi halanan y bula bay keiro.
Boso a keda atras, no laga tristesa domina boso.
Keda uni un cu otro, pa mi alma esey lo ta un alegria.
Recorda mi cu hopi amor.*



Cu imenso tristesa den nos curason nos ta anuncia fayecimento di:

Anna Hyacintha Croes – Maduro

Miho conoci como “Chichi”
10-09-1946 -†30-10-2025
“ Cu dios compaña Boso”

Number di su:

Mayornan:

†Evaristo Croes
†Mathilda Croes

Su casa: Arcadio Benito Maduro (Mito)

Su yiunan:

Dino Maduro
Mirla Maduro y ex casa Gabriel Geerman
†Andrea Mirta Maduro
Ronald Maduro y Aureen Maduro
Humphrey Maduro

Su nieto y nietanan:

Roderick Maduro y Josy Semeleer
Jennifer Maduro y Gilia Croes
Gabriel Geerman
Mirleen Geerman y Jeremy Quant

Su bisanieta y bisanietonan:

C-ion Maduro
A'dreon Maduro
Illeeny Quant

Manera un bisanieto y bisanieta

Aiden Semeleer
Alijah Tromp

Su rumannan

†Pedrito Croes
†Julio Croes
Cheban Croes y Tiwa Croes y familia
Diana Croes y familia
Nino Croes y Ligia Croes y familia

Tur su subrina y subrinonan y prima y primonan y comernan Ebia Maduro, Lilian Besselink, Trina Heyer y familia

Su bon bisiña nan:

Judith Maduro, Marina Meija y familia, Vaatji Werleman, Edwin Quant, Kenneth Martis, Lucia Maduro y Ronnie Maduro, Maikel Henriquez

Demas Famia: Maduro, Croes, Rasmijn, Dubero ,Quant, Ras, Alders, Besselink, Geerman, Vrolijk, Rasmijn, Kelly, Lampe

Acto di entiero lo tuma lugar Diabierna 7 di November 2025 na Olive Tree Funeral Care & Crematory na Piedra Plat 27 Z di 2:00pm-4:00pm. Despues lo sigui pa santana Catholico na Santa Cruz. Si en caso den nos tristesa nos por a lubida algun persona of familia, nos ta pidi nos mas sincero disculpa.

Nos ta lamenta cu despues di entiero nos no ta ricibi bishita na cas

Aurora
Royal Pray
Funeral Home & Crematory

Nos reflexion : Isaiah 40:31

Dios ta amor. Dios ta bon. Dios semper ta bon.

Nos ta duna danki na Dios den tur circunstancia, pa cada situacion, pa cada momento, cada les y experiencia. Su boluntad ser hasi na tera como na shelo. Na Su nomber Gloria.

Cu hopi amor y gradicimento na nos curason pa su bida di 93 aña yena di amor, cuido, bon conseho y atencion pa su famia y pa su prohimo, nos ta participa cu despues di a entrega bek na Dios recientemente nos dushi y bunita Mama, Papa su oracion y deseo a wordo cumpli ora cu Creador y Angelnan wardador a bin busca nos tata, nos welo, bisawelo, suegro, ruman, tio, primo, amigo y bisinya pa hib’e den e Reino Celestial serca Mama, na unda tin sosiego, paz y lus eterno :



LUCAS LEONARDO FRANCISCO BERGEN

Carinosamente yama :” Tete ,Mo Tete, Tio Tete y Payo.
Lid in de Orde van Oranje Nassau
A traha na Lago Oil Refinery pa 35 aña
Y pa varios aña na Hagemeyer y na Mercedes Benz.

Esposa: Mercedes Petronilia Bergen Tromp den felis memoria, cu ta ricibi Payo brasa habri.

Yiunan: Roberto “Roy” Bergen
Ruthy y Johan Vrieswijk-Bergen
Ronald “Ro” y Mirla Bergen-Boekhoudt
Lucas”Lucky” y Valerie Bergen-Simons

Rumannan: Cornelia “Shoné “ Bergen-Zichem y familia
Helen “Chichi” Bergen y familia Randy Alejo y familia

Rumannan cu a bay nos dilanti

André “Boy” y Gerrie Gijsbertsen -Bergen
Mario Jose “Joy” Bergen y Selvia Monica “Chichi” Bergen-Ponson
Freddy Bergen

Sra.Vda. esposa di Freddy : Olivia Filomena “Baby” Bergen Goeloe y familia

Su mayornan cu ya a bay nos dilanti :

Euloterio Francisco Bergen
Maria del Carmen Engelen

Bon amigonan :

Mario Croes y Ambrosio “Booshi” Croes y Jerry Diaz.
Su comper Jossy Lacle y sra.esposa Mabel Jacobs Lacle Cunyanan y suanan cu ya a bay nos dilanti y tur esnan cu tey cu nos ainda cu amor.

Subrino y subrinanan, primo y primanan. Bon bisiña Yolanda Winklaar y familia.

Nieto y nietanan: Regnier, Jean, Rhoderic, Rho-Jeanne, Queeny, Jean-Luc, Lujean y Juan Esteban.

Bisa nieto y bisa nietonan Kevin, Xander, Lexie, Edward, William, Shawn, Alysha., Jonagene, Xhayden y Noémi , Kac y Kiaan na Hulanda, Aruba, y Merca.

Amigonan y conosirnan. Amigonan mecanico cu hunto cu Papa a gusta traha riba auto den su oranan liber, tempo di su tempo y su amigonan den biljard tempo di su tempo.

Famianan: Bergen - Tromp - Zichem - Kock - Dirksz - Goeloe - Ponson - Boekhoudt - Simon - Chehín - De Windt - Hoek - Zievinger - Inocencia - Chang - Diaz - Kelly - Croes - Rijna -Sanchez - Bergstra - Hooi - Weller - Berg - Engelen - Vrieswijk y demas famia. Raymond y Tanya Davis y yuinan na Canada. Randy y Michelle Davis y yui na Canada. Filomena Briceño y familia na Hulanda.

Dokternan aprecia :

Dr. Fingal di curason y Dr. Sneek, Bea y Liliana.
Henter e team dinamico y profesional di Wit Gele Kruis, Gregory Maduro.
Na cas : Blondine, Monica y Lie.

Oportunidad pa duna condolencia y despedi lo ta diasabra 8 di november 2025 di 9 am - 11 am di mainta na Royal Funeral Home. Despues lo tin cremacion den seno familiar.

Ta duel nos pero nos no por ricibi bishita di condolencia na cas.

Aurora
Royal Pray
Funeral Home & Crematory

*“Mi a lucha e bon lucha, mi a core e careda te na fin y mi a mantene mi fe”
Timoteo 4-7*

Cu inmenso dolor na nos curason nos ta anuncia fayecimento di nos casa, tata, welo, ruman, omo y amigo stima:



Sr. Edwin Esteban Tromp

Mihor conoci como: “Mo Tin of Blokin”
TX 15
Ex doño di Motin Bar
***02-08-1957 - †02-11-2025**

Na number di su:

Mayornan:

†Anna Tromp y †Hipolito Tromp

Casa:

Miloushka Tromp-Apostel

Yiunan:

Edwin Tromp Jr y Mirelli Werleman
Soledad Tromp y Anthony Garcia
Kimberly Tromp y familia,

Manera yiu:

Wendoushka de Leeuw y yiu
†Wendell Jr de Leeuw
Roxander de Leeuw
Jeremy Servanie y yiu
Andre Tromp y familia

Nieto(a)nan:

Shurandy Tromp y Lus Yilkyana de la Rosa
Derylaine Tromp

Rumannan:

Violanda Tromp y familia
† Juan Tromp
Sofia Tromp y familia
Maria y Tuyo Gomez y familia
Olga Kelly y Famia
Lidwina y Mito Feliciana y familia
Fortunata Tromp y Famia
Eveline Tromp y familia
Juan y Jacoba Gomez y familia
† Hipolito Tromp

Sobrino(a) nan:

Juni Wernet y familia, Mirella Wernet y familia, Miloeschka Boekhoudt y familia, Anthony Wernet y familia, Yvonne Tromp y familia, Vivian Gomez y familia, Francis Gomez y familia, Jeremy Kelly y familia, Ramsis Gonzalez y familia, Sherwin Gonzalez y familia, Melvin Gonzalez y familia, Stefanie Tromp y familia, Natasha Tromp, Samantha Tromp y pareha, Ludmery Feliciana y familia, Elton Feliciana, Xiomara Gomez, Jeremy Gomez

Primo(a)nan,Ihanan, swa y cuñanan, bisiñanan
Amigo di cas: Siro Schoop

Demas amigonan na Aruba y Hulanda, ex coleganan di Ambulance, DOW, Rio Grande Store, Motin Bar

Demas famia: Tromp Apostel, Wernet, Gomez, Kelly, Gonzalez, Feliciana, Fingal, Jeandor, Legito, Oseanna, Giel, Farro, Bikker, Henriquez, de Cuba

Ta invita pa acto di entiero cual lo tuma lugar Diahuebs 06 di November 2025 di 2or pa or di atardi na Misa Sta Anna na Noord y Despues lo sali pa Santana Catolico na Noord.

Condolencia lo tuma lugar Diaranson 05 di November 2025 di 7or pa 9or di anochi na Aurora Funeral Home.

Nos disculpa si den nos tristesa nos por a lubida algun famia of conocir. Despues di entiero nos no por ricibi bishita di condolencia na cas.

Aurora

Royal Pray

Funeral Home & Crematory

*Bou di alanan di Dios mi ta sigur
Bisa Señor, ta mi refugio, mi Forti, mi Dios, den kende mi ta
pone mi confiansa
Salmo 91.:2*

Cu profundo tristesa den nos curazon pero agradecido pa tur
locual e la nifica pa nos:
Nos ta anuncia fayecimento di nos querida mama, wela,
bisawela y tanta



**Sra. Vda Johanna (Hanna) Dominica
Paesch -Tromp:**
*07-08-1939 - †01-11-2025

Na Number di su:
Esposo: † Leandro (Miano) Paesch

Su yiunan:
† Glenda Paesch
Adolfo (Dolfi) Paesch y Mirella Vrolijk
Lisandra y Anthony (Tony) Yearwood

Su nietonan:
Leandra y Urvin Albertsz
Algernon Yearwood y Stella Robeer
Asher Yearwood
Ademir Paesch

Su bisanietonan: Aron y Aric Albertsz

Su rumannan:
† Antonia y † Pablo Leest y yiunan
† Viola y † Albert Figaroa y yiunan
† Seferino y † Bertha Tromp y yiunan
† Thomas y † Juanita Tromp y yiunan
† Simon y † Anna Tromp y yiunan
† Victor Tromp y yiunan

Cuñanan y Swa:
Ambrosia (Deta) Jacobs y yiunan
† Maria y † Jani Bregita y yiunan
† Greta Paesch y yiunan
† Lucina Paesch y yiunan
Sabino y Ita Paesch
† Antonilla Paesch y yiunan
† Imelda y † Hubert Lampe y yiunan
Angela Paesch

Ihanan:
Erica Ruiz, Ingrid Gomez-Figaroa, Ethelyne Petrocthi-Tromp

Bon bisiaña: Miro y Emma Figaroa

Amigonan di cas: Mario y Luz Mary Carrera

**Demas sobrino(a)nan, primo(a)nan, comer y
compernan, y demas famia:** Tromp, Paesch, Yearwood,
Vrolijk, Albertsz, Robeer, Leest, Figaroa, Jacobs, Bregita,
Lampe, Eckmeyer, Maduro, Giel, Heyde, Semeleer y demas
famia na Aruba y Hulanda

**Tambe ta invita tur amistad, bisiaña y conocirnan pa e
acto di condolencia y entierro** cual lo tuma lugar diahuebs
6 di november 2025 di 9or pa 11or di mainta na Misa Santa
Anna na Noord y despues di misa lo sali pa Santana Catolico
na Noord.
Nos ta pidi nos disculpa si den nos dolor nos por a lubida un
of mas famia y alabes nos ta lamenta cu despues di entierro nos
no por ricibi bishita di condolencia na cas.

Na lugar di flor of krans por haci un donacion na St. H.O.P.E
cas di anciano. Den misa lo tin un box disponibel pa e bon
causa.

Aurora

Royal Pray

Funeral Home & Crematory

*"Dios ta amor... y amor ta Dios,
maske mi no ta na e mundo aki,
tur dia lo mi ta banda
di boso Curazon, mi por stens di
loke Señor ta hasi"
Salmo 33*

Cu dolor na nos curason, nos
ta participa fayecimento di nos
ser stima:



Sra. Idaliance Baptiste
Cariñosamente yama "Ida"
*01-05-1958 - †24-10-2025

Na number di su:
Mayornan:
†Elmira Rubin
†Duvel Baptiste

Yiunan:
Fara Bruno (USA)
Gina Bruno
Lourdia Baptiste
Stephania Baptiste

Manera yiu:
Mehola Desir y Kerby Pierre-Louis
Sancia Desir (Canada)

Nieto(a)nan:
Guivenson Michel
Garens Michel
Jayden Petion (Merca)
Dukencia Rinchere (Haïti)
Tashaina Bruno

Rumannan:
Celita Baptiste y famia
Linda Baptiste y famia (Merca)
Lithane Baptiste y famia (Haïti)
Mikanon Baptiste y famia (Haïti)
Jean-Rene Baptiste y famia (Haïti)
Pierre Baptiste y famia (Haïti)
Overne Baptiste y famia (Haïti)
Dieula Baptiste y famia (Haïti)
Livia Baptiste y famia (Haïti)
Erlise Baptiste y famia (Haïti)
Loudior Baptiste y famia (Haïti)
Lickson Baptiste y famia (Haïti)
Esnel Baptiste y famia (Haïti)

Omo y tantanan:
Elumene Baptiste y yiunan (Haïti)
Lucie Baptiste y you (Haïti)
Denis Baptiste y famia (Haïti)
Reyer Baptiste y famia (Haïti)

Primo(a)nan:
Lucia Thomas y Sonio Desir
Marie Andre Icart y famia (Merca)
Martha Thomas y famia (Haïti)
Venance Thomas y famia (Merca)
Exma Thomas y famia (Merca)
Walson Thomas y yiunan (Merca)
Ronald Thomas y famia (Merca)
Louiland Thomas y famia (Francia)
Marie Myrtho y famia (Haïti)
William y famia Merca)
Frantz y famia (Merca)
Maxime Thomas y famia (Merca)
Andre Thomas y famia (Merca)
Marie Victoire Icart y famia

Y demas primo(a) nan na Haïti y Merca.
Bon bisinanan y amigo(a) di cas: Dany, Dalla, Wisline,
Darline y demas bisinanan y amigo(a)nan di cas.
Demas famia: Baptiste, Desir, François, Rubin, Thomas,
Jeudi, Leconte, Icart, Bruno, Remoguene y demas famia.

Ta invita pa acto di entierro cual lo tuma lugar na Royal Funeral
Home diasabra 8 di November 2025 di 2or pa 4or di atardi.
Despues lo sali pa Santana Central Sabana Basora.

Condolencia lo tuma lugar na Royal Funeral Home diabierna
7 di November 2025 di 7or pa 9or di anochi.

Nos disculpa si den nos tristesa nos por a lubida di menshona
algun famia of conocirnan.

Aurora

Royal Pray

Funeral Home & Crematory

“Señor ta mi wardador, mi’n
tin falta di nada
Den cunucu di yerba berde e
ta ponemi sosega.
E ta hibami na awa trankil,
Pa mi bolbe haña forsa”.
Salmo: 23



Nos ta anuncia fayecimento
di:

Jonathan Jeremy Junior Wernet
*03-02-2004 - †01-11-2025

Na number di su:
Mama stima: Tivisay Wernet y Mark Mastenbroek
Tata: David Briezen y Marisol Maduro
Stiefvader stima: Jeremy Faro

Rumannan stima:
Zyon Wernet
Lindsay Wernet
T’Jean Faro

Manera ruman:
Nayrone Salomon, Ochwald Cordero y Jeremiah
Boeldak

Welo y welanan:
†Tecla Wernet
†Henry Kock
Reina Ruiz
†Esteban Briezen

Manera welo y wela:
Mario Faro
Miriam Arends y Ezzard Cilié

Omo y tantanan:
Carlos y Liseth Maduro
Marc Maduro y Marcelly Ras
Miguel Wernet y Celina Ras
Aniera Briezen

Manera tanta: Jerrylaine Faro y Richwald Paesch

Tanchi stima:
Waika Maduro y tur su tanchinan cu a stime
Padrino y padrino: Juan y Dora Ras

Primo y primanan:
Carlos, Calvin, Cal, Carel, Calvin, Marylaine, Tanisha,
Monserarath, Suelaine, Zjaika, Alex-ann, Alexshawn,
Miah, Gineira, Gilaiska, Kayleigh, Cristian

Brothernan: Brandon, Djente, Daniel, Ariel, Eliot,
Alexander, Pipo, Jermaine, Jean Marc, Jayton, Jendrick,
Jayden, Jeevan, Jurwin, Lord, Pitof, Jurvin, Joshua,
Justin, Francil, Jeandrick, Mikeson y mucho mas pa
mencionar y tur su biker brothersnan

Demas famia: Wernet, Briezen, Kock, Faro, Croes,
Mastenbroek, Maduro, Ruiz, Ras, Paesch, Brouwer,
Arends, Pantophlet, Dania, Boeldak, Everon, Bikker,
Wever, Solognier, Falconi, Flanegin, Boekhoudt, Cilie,
Arcaya, Ventura, Tromp, Werleman, Rodriguez, Hersilia,
Gomes, Figueroa, Garcia

Nos ta pidi disculpa si den nos tristeza nos por a lubida
di menciona un famia of amistad.

Oportunidad pa condolencia: diabierna 7 di
november 2025 di 7:00 pa 9:00 pm na Aurora Funeral
Home.

Acto di entierro lo tuma lugar diasabra 8 di november
2025 di 2:00 pa 4:00 pm na Aurora Funeral Home,
despues lo sali pa Santana catolico Sta. Maria na Sta.
Cruz

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Marcial Rasmijn

Mihor conoci como: "Buy of Buchi"
*11-04-1966 - †03-11-2025

Acto di entierro lo wordo anuncia despues.

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Enrique C. Fingal

Mihor conoci como: "Jerry"
*15-07-1939 - †03-11-2025

Acto di despedida lo wordo anuncia despues.

Mamdani su victoria historico como alcalde di New York ta causa emocion y speransa den comunidad Musulman Mericano



(AP) - Zohran Mamdani su eleccion historico como New York City su prome alcalde Musulman a causa emocion y speransa entre e Musulmannan Mericano.

Varios ta alivia y orguyoso cu e odio anti-Musulman dirigi contra Mamdani durante e campaña no a desencurasha New Yorkernan di vota pa su persona. "Pa prome biaha den hopi tempo mi ta sinti speransa - como un Musulman, como un Mericano, como un inmigrante," Bukhtawar Waqas, ken literalmente a bula di alegria y yama su tata pa celebra a comenta.

El a bisa cu e tabata presente pa Mamdani su speech di victoria y a keda contento cu e diversidad di e New Yorkernan rond di dje a pesar di cualkier desafio cu por bini.

Mamdani a gana e gran mayoria di votadornan Musulman; alrededor di 9 den 10 votador Musulman tabata sostiene su persona, segun e encuesta haci pa AP. Nan ta un grupo chikito di e votadornan den e ciudad, alrededor di 4% di e votadornan di NYC.

Mamdani, un socialista democrata cu a elogia su victoria como uno pa e trahadornan cu ta luchando pa cubri nan gastonan basico, a campaña riba un agenda cu ta inclui bus gratis, cuido di mucha gratis y un congelacion di huur pa e apartamentonan cu ta suheta na gubernamental riba con hopi por aumenta e prijs di huur.

No solamente e ciudad su prome alcalde Musulman, e lo ta e prome di herencia Sur Asiatico y e prome naci na Africa.

Su victoria ta trece un "respiro di alivio colectivo di tur e New Yorkernan Musulman, cu lo ser sinti den henter e pais," Sylvia Chan-Malik, ken ta duna les tocante Islam na Merca na Rutgers University a comenta. "E legado di 9/11 y War on Terror a duna forma completo na e bida di henter generacionnan di musulman na NYC y mas aleu."

Tambe e ta ofrece e siguransa cu "tin varios persona cu no ta Musulman cu ta wak door di e mentiranan y distorsionnan contra Islam," el a bisa.

Waqas a bisa cu parti di e odio cu Mamdani a enfrenta a cord'e cu Islamofobia "ta sigur bibo y presente—e ta kibra mi curason."

Durante su speech, Mamdani a bisa cu "New York no lo ta un ciudad unda bo por trafica den Islamofobia y gana un eleccion."

CEO di Emgage Action, un organisacion Musulman Mericano cu a promove Mamdani a bisa cu e victoria ta un declaracion pa esnan cu tabata incita miedo y ponencianan anti-Musulman. Yamando esaki un momento historico, el a bisa cu Mamdani a "gana riba topiconan," incluyendo accesibilidad.

Mirando 9/11 y loke el a laga atras, ta dificil pa nenga e peso simbolico di Mamdani su victoria, Youssef Chouhoud, ken ta duna les di ciencia politico na Christopher Newport University a bisa.

"E ta manda e mensahe poderoso cu Musulmannan no ta djis parti di e nacion su componente civil, nos ta yuda duna esaki forma," Chouhoud a bisa. "Pa varios aña, Musulmannan Mericano a traha duro pa demostra cu nos ta pertenece den e sociedad aki. Mamdani ta demostrando cu nos ta demostra den posicionnan di poder y cu nos ta cla pa lidera."

Musulmannan ta un porcentahe chikito pero racialmente y etnicamente diverso di Mericanonan. Despues di e atakenan di 9/11, varios a enfrenta hostilidad, falta di confiansa, preguntanan tocante nan fe y duda tocante con Mericano nan ta. Den e añanan despues di esaki, varios tambe a organisa, crea aliansa y skirbi nan propio narrativa tocante nan identidad.

"E storia mas grandi aki ta con un comunidad antes mira mas tanto como stranhero a consistentemente construi un capital politico y visibilidad," hasta cu algun tension presente ainda, segun Chouhoud a expresa.

Cu Mamdani su victoria, Chouhoud a bisa e ta keda "pensa riba tur e mucha muhe y hombernan migrante den New York cu awo lo para cu un tiki mas orguyo."



FIND US ON
BONDIA
ARUBA
www.bondia.com
ALSO AVAILABLE ON
f i d x

Sudan: Imagen di satelite ta sugeri evidencia di grafnan masivo na El-Fasher

(AP) — Imagen di satelite analisa diamars ta parce di muestra cu entieronan masivo ta ser realiza na el-Fasher den e region Darfur di Sudan despues cu e grupo paramilitar Rapid Support Forces (RSF) a captur'e, causando aun mas preocupacion tocante e escala di e violencia cu a baha riba e ciudad.

E imagen di el-Fasher ta bin mientras e guerra di dos aña ta sigui avansa den Sudan a pesar di indignacion internacional creciente, cu media local y Nacionnan Uni reportando un atake cu drone riba un entiero den un otro ciudad yama el-Obeid, matando por lo menos 40 persona.

E Laboratorio di Investigacion Humanitario di Yale School of Public Health a analisa imagennan di el-Fasher saca pa Vantor, un agencia di imagen basa na Colorado anteriormente conoci como Maxar Technologies. E imagennan ey ta parce muestra cu grafnan masivo ta ser coba y despues cubri na dos sitio den e ciudad, un na un moskee panort di e hospital Saudi unda supuestamente casi 480 persona a ser mata y otro cerca di un ex-hospital di mucha cu e RSF tabata usa como un prison, e investigadornan a bisa.

“No ta posibel basa riba e dimensionnan di un posibel graf masivo pa indica e cantidad di curpa cu por a dera; esaki ta pasobra esnan cu ta realizando eliminacion di curpa hopi biaha ta pone curpanan riba otro,” nan rapport a bisa.

The Associated Press a obtene acceso na e imagen di Vantor y a mira e detayenan cu ta corresponde cu e rapport di e laboratorio di Yale na e sitio. AP tambe a haya acceso na potret di satelite saca pa Planet Labs PBC diamars, cual a muestra suelo di diferente color na ambos sitio, cual tipicamente

ta indica cu e tera a ser coba y despues tapa atrobe.

Imagennan di satelite anterior analisa pa e laboratorio di Yale y AP a muestra obhetonan blanco riba e tereno di e hospital Saudi y cerca di e hospital di mucha inmediatamente despues di e captura di el-Fasher pa RSF. E laboratorio di Yale a identifica esey como probablemente curpanan, cu mancha di sanger tambe visibel desde espacio. RSF a nenga cu nan a mata hende na e hospital Saudi, pero testimonionan di esnan cu a huy di el-Fasher, videonan online y imagennan di satelite ta ofrece un vision apocaliptico di nan atake.

RSF tambe a publica videonan di el-Fasher den e ultimo dianan mientras nan a enfrenta horror y condenacion internacional creciente pa via di e atakenan, incluyendo algun na e hospital. Detayenan den e video a corresponde cu caracteristicanan conoci na e hospital. Sinembargo, e video nunca a muestra areanan anteriormente visibel den video comparti riba red social supuestamente mustRANDO soldadnan di RSF pasando entre curpanan riba vloer y tirando un homber cu tabata sinta.

AP tambe a analisa potretnan di Planet Labs for di 29 di october rond di un area panort di el-Fasher. Den e imagennan ey, obhetonan blanco similar na esnan identifica pa e laboratorio di Yale como curpa a aparece rond di dje, cu un area aparentemente yen di vehiculonan kima.

E area ta corresponde cu grabacionnan mustRANDO decenas curpa y soldad di RSF moviendo den e area, tirando y papia cu esnan herida den e atake. Algun di esnan mata a parce di ta combatientenan arma. Un combatiente para hunto cu forsan di RSF ilustra den videonan di e sitio tabata visibel den un otro video supuestamente ti-



rando prisioneronan sin arma. RSF a bisa cu nan a arest'e dia 30 di october. E laboratorio di Yale a bisa den su rapport diamars cu ta parce cu algun curpa a ser hiba.

Evaluacion di e escala di e atake na el-fasher ta keda dificil

E alcance di e violencia total na el-Fasher ainda no ta cla pasobra comunicacion ta scars den e region. Esnan mata tabata inclui Dr. Adam Ibrahim Ismail, ken a traha na el-Fasher y a ser mata cu tiro door di RSF den loka e Red di Dokternan di Sudan a describi como un “crimen cruel” dirigi riba dokternan y trahadornan di ayudo. E grupo a bisa cu Ismail a ser deteni durante e incursion di RSF den e ciudad y mata den un campo.

E Secretario-General di Nacionnan Uni Antonio Guterres a yama pa “mecanismo di responsabilidad” pa via di e captura di el-Fasher “pasobra e crimennan cu ta ser cometi ta asina

horroso.” Awor cu probablemente ta derando curpa, esey ta haci cualkier analisis completo di e captura di e ciudad aun mas dificil, specialmente mirando cu investigadornan lo mester coba nan den un area awor encarga pa e partido na guerra cu supuestamente a comete e atrocidadnan.

E guerra entre RSF y e ehército di Sudan a cuminsa na april 2023. Mas cu 40.000 persona a ser asesina, segun cifranan di Nacionnan Uni, pero gruponan di ayudo ta bisa cu e cifra real di mortalidad por ta hopi mas halto.

E atake cu drone dialuna na el-Obeid, e capital di e provincia Nort Kordofan di Sudan, a mata por lo menos 40 persona y a herida decenas mas, tanto media local como e Oficina di Nacionnan Uni pa Coordinacion di Asuntunan Humanitario a reporta.

Mientras Nacionnan Uni no a asigna culpa pa e atake, media local a culpa RSF, kende no a reclama e atake pero tabata usando dronenan pisa den su ofensiva. Regionnan Kordofan y Darfur a bira e epicentronan di e guerra di Sudan durante e ultimo lunanan.

E guerra a causa cu mas cu 14 miyon persona a huy for di nan cas y a alimenta malesa. Dos region den Sudan ta experienciando un hambruna cu ta den riesgo di plama den henter e pais.

Ross Smith, e director di respuesta di emergencia di e Programa Mundial di Alimento (WFP), a bisa reporteronan e siman aki cu e agencia ta notando “consumo di alimento hopi abao” unda hende den algun parti di e pais ta pasando dias sin come.

“Nos ta mirando nivelnan hopi halto di desnutricion severo y nos tin hopi reportahe di mortalidad,” el a bisa. “Esaki ta sigur relaciona cu e conflicto.”

